



Vol. 30 (Jullu-Setembru 2022)



**ENKONTRU KONSELLU ADMINISTRASAUN BA DALA 22
HALO APRESIASAUN BA EZEKUSAUN ORSAMENTU 2022,
APROVA PLANU NO PROGRAMA 2023**



Sr. Longuinhos dos Santos M.M.
Presidente do CA-FDCH e
Ministro do Ensino Superior,
Ciéncia e Cultura - MESCC

Maluk lee-na'in Boletin Fundo de Desenvolvimento do Capital Humano (FDCH) ne'ebé ha'u hadomi, Boletin ida-née ha'u konsidera nu'udar meiu komunikasaun ne'ebé bele atualiza no divulga informasaun kona-ba progesu servisu sira ne'ebé FDCH atinje iha kada trimestre.

Iha loron 9 Agostu 2022, Konsellu Administrasaun ba Fundo de Desenvolvimento do Capital Humano (CA-FDCH- sigla Portugés) realiza ona enkontru Konsellu Administrasaun ba dala 22 no ba dala tolu (3) iha mandatu Governu Konstitusionál daualuk (VIII) nian, iha sala reuniaun JL Vila, Aimutin.

Iha enkontru CA-FDCH ne'e, ha'u ho kualidade nu'udar Presidente Konsellu Administrasaun ho Membru Permanente sira Konsellu Administrasaun nian halo analyze no aprovasaun ba tetu Orsamentu Jerál Estadu (OJE) 2023- Livru 6 FDCH nian ho montante millaun \$ 17.7 tuir pakote fiscal ne'ebé atribui husi Ministériu Finansas mai FDCH hodi finansia programa sira FDCH nian iha tinan 2023.

Aléinde ne'e, halo mós aprovasaun ba atualizasaun tabela orsamentu kona-ba pediu du apoiu individual ba estudante universitáriu sira iha rai-laran no rai-li'ur, valór bolseiru sira iha Portugal no aprova mós dokumentu Estudu no Avaliasaun ba rezultadu programa FDCH nian durante período 2015-2020 ne'ebé FDCH realiza ho kooperasaun Instituto Nacional Ciéncia e Tecnologia (INCT-sigla portugés). FDCH ninia servisu hatudu daudauk rezultadu ne'ebé d'ak tebes, hein katak ho rezultadu estudu avaliasaun ne'ebé iha, bele kuriye ita atu bele halo servisu ho d'ak liután iha futuru.

Ohin loron, ita iha sékulu 21 (XXI) hatuur momoos katak vantajen competitiva prinsipál hosi país sira maka kompeténsia hosi ninia traballadór sira. Ho ida ne'e ha'u husu FDCH tenke tau-matan ba dezafiu sira ne'e no apresenta solusaun ba finansiamentu. FDCH contribui nafatin atu Timor-Leste bele iha rekursu umanu ne'ebé ho koñesimentu, atitude no valór adekuadu atu ita-nia nasaun manán dezafiu boot sira ne'ebé mosu iha oin mai, hanesan hamenus kiak, combate moras sira, combate subnutrisaun, hamenus prekariedade abitasionál nomós kresimentu ekonómiku sustentável no konsolidasaun demokrasia.

Ikus liu, espera informasaun sira ne'ebé Média husi FDCH prepara ona iha Boletin Trimesral ida ne'e bele sai nu'udar informasaun ne'ebé pertinente ba lee na'in sira no bele responde ezijensia pùbliku nian hodi hetan informasaun sira relaciona ho atividade tomak ST-FDCH nian, liga ba programa dezenvolvimentu rekursu umanu iha Timor-Leste. Obrigadu

A handwritten signature in blue ink, appearing to read "H. L. S. M."

S.E. Sr. Longuinhos dos Santos M.M.

Presidente do CA-FDCH e

Ministro do Ensino Superior, Ciéncia e Cultura - MESCC



Cristóvão dos Reis, Ph.D.
Diretor Executivo do
FDCH - MESCC

Iha trimestre ida ne'e, servisu barak mak Fundo de Desenvolvimento do Capital Humano (FDCH) realiza ona haktuir Programa haat ne'ebé iha hahú kedes husi ejistensia FDCH iha 2011 hanesan, Formasaun Profisionál, Formasaun Téknika, Bolsa Estudu no Tipu Formasaun seluk, hodi kontribui ba dezenvolvimentu ita nia país nian liu-liu iha dezenvolvimentu rekursus umanus Timor-Leste iha setór oi-oin haktuir ba prioridade NASAUN liga ho Planu Estratégiku Dezenvolvimentu Nasional (PEDN 2011-2030) ne'ebé sai hanesan mata dalan ba dezenvolvimentu nasional.

FDCH nu'udar instituisaun ida ne'ebé ninia servisu importante tebes iha setór kapital sosiál tanba mai ho misaun hodi apoiu no tau importânsia iha investimentu governu nian iha dezenvolvimentu rekursus umanus nasional, iha setór hotu-hotu liga ho nesesidade no prioridade NASAUN nian. Ho nune'e iha trimestre ida ne'e Presidente Konsellu Administrasaun FDCH Sr. Longuinhos dos Santos ho Membru Permanente sira konvoka enkontru Konsellu Administrasaun ba dala 22 no dalatolu iha mandatu Governu Konstitusionál da ualu (VIII) nian, hodi halo analize no aprovasaun ba tetu Orsamentu Jerál Estadu (OJE) 2023-Livru 6 FDCH nian ho montante millaun \$ 17.7 tuir pakote fiscal ne'ebé atribui husi Ministériu Finansas mai FDCH hodi finansia programa sira FDCH nian iha tinan 2023.

Aléinde ne'e servisu sira ne'ebé FDCH realiza iha trimestre ne'e FDCH implementa mós programa Estájiu Profisionál ba Melhores Graduados iha rai-laran, programa ne'e ho objetivu atu absorve foinsae sira ne'ebé ho idade produtivu iha merkadu traballu iha rai-laran, nune'e ita rejista benefisiariu hamutuk 438 ne'ebé halao sira ninia estajiu iha instituisaun akolladora 121. Servisu seluk FDCH mós organiza semináriu nasional ho tema "Kapasitasaun no Desenvolvimentu Rekursus Humanus Nasional," Objetivu hosi semináriu ne'e hodi selebra no komemora loron Ensinu Superior no Loron Mundial ba Siénsia ba dala-XXI ho apresenta rezultadu estudu avliasau ba programa FDCH nian hahú hosi tinan 2015 to'o 2020 ba públigu kona-bá progresu, impaktu ne'ebé FDCH atinje no dezafiu sira ne'ebé FDCH enfrenta.

Nune'mós iha trimestre ida ne'e, FDCH-ANATL, EP ho Politeknik Penerbangan Suarabaya asina mós *Memorandum of Agreement (MoA)* hodi kontinua haruka foinsae timoroan sira ba halao estuduliuhosiprogramabolsaestuduné'ebé FDCH finansialiuhosiprogramabolsaestuduné'ebé ANATL, EP. hafoin ida ne'e ekipa husi FDCH, INAP, CFP no Ministériu Saúde halo mós negosiasaun hodi estabelese akordu tékniku ho universidade no instituisaun fornesedór formasaun sira iha Indonézia ne'ebé sei fó formasaun no simu bolseiru timoroan sira liu-liu funsionáriu sira iha Ministériu Saude nian atu ba halao sira ninia estudu ho nível mestradu no doutoradu iha universidade sira iha Indonézia.

Nu'dar Diretor Ezekutivu ba instituisaun ida ne'e, fó motivasaun nafatin ba funsionárius, xefe departementus, Diretor Nasional sira, Koordenador no asesór sira hotu hodi kontinua hatudu prestasaun servisu, mantein disciplina ba iha oras servisu nia, disciplina iha fatin servisu, respeita malu no responsabiliza ba servisu sira ne'ebé maka atribui ba ita idak-idak.

Ikus liu mak nafatin agradese ba lee na'in Bulletin Trimestral FDCH nian ne'ebé sempre akompaña publikasaun sira, ba atividade tomak ST-FDCH liuhosi Bulletin Trimestral durante ne'e, no fiar katak informasaun sira ne'ebé ekipa Media FDCH prepara iha Bulletin Trimestral ida ne'e bele sai nú'dar informasaun ne'ebé importante hodi bele responde ba lee na'in sira nia ezizensia kona-ba dezenvolvimentu iha ita nia país. Obrigadu.

Cristóvão dos Reis, Ph.D.
Diretor Executivo do FDCH-MESCC

2. Lia Menon Ministru MESCC
3. Lia Menon Diretor Ezekutivu FDCH
4. Editoriál
5. Enkontru Konsellu Administrasaun FDCH ba Dala-22
7. Governu Lansa Programa Estájiu Profisionál Ba Melhores Graduados
9. FDCH- INAP- CFP no INS Halo Negosiasaun no Asina Akordu Tékniku ho Universidade no Instituisaun Fornesedór Formasaun sira iha Indonézia
12. MESCC-FDCH Realiza Semináriu Nasional ho Tema “Kapasitasaun no Dezenvolvimentu Rekursus Humanus Nasionais”
18. Relatóriu Ezekusaun Orsamentu
20. Lian Benefisiariu
22. Kriteriu Bolsa Estudu FDCH
26. Lensa FDCH
34. Perfil FDCH

Responsável Jerál :

Dr. Cristóvão dos Reis Diretor Ezekutivu FDCH

Responsável Direção Nacional de Coordenação e Execução de Programas e Projetos e de Gestão do Sistema de Informação

Francisco da S. Sarmento (Diretor Nasional)

Responsável Redasaun:

Joanico D. Guterres (Xefe Departamento Media no Relasaun Pública)

Editor : **Joanico D. Guterres**

Editor Textu : **Joanico D. Guterres**

Jornalista & Fotógrafo :**Joanico D. Guterres, Rui A.F. da Silva**

Grafismu & Layout : **Joanico D. Guterres & Rui A.F. da Silva**

Responsável Direção Nacional de Aprovisionamento

Sofia M. de Jesus (Diretora Nasional Aprovisionamento)

Responsável Aprovisionamento

Domingos Fernandes (Xefe Dep. DEAP)

Secretariado Técnico

Fundo de Desenvolvimento do Capital Humano (FDCH)

Eis Edifício do MF Edifício 5, I Andar, Palácio do Governo,

Dili, Timor-Leste .

website: www.fdch.gov.tl

youtube : FDCH-MESCC

fanpage facebook: Fundo de Desenvolvimento do Capital

Humano - FDCH

email: info@fdch.gov.tl

Boletín TRIMESTRAL FDCH

PROPRIEDADE:

Secretariado Técnico do

Fundo de Desenvolvimento do Capital Humano (FDCH)

IMPRESSÃO: Grafica Nacional, Lda

Estrada de Taibesi Dili, Timor-Leste

TIRAGEM: 700 Exemplares

EDIÇÃO: Julho - Setembro de 2022

DIREITO DE AUTOR: Protegido

PUBLICAÇÃO:

Secretariado Técnico do FDCH

Lee nain Bulletin Trimestral FDCH ne'ebé mak ami hahi, liuhosi bulletin ofisiál FDCH nian ne'e, ami nafatin atualiza ba ita-boot sira, servisu ne'ebé instituisaun ne'e realiza kada trimestre.

FDCH kontinua implementa programa prinsipál haat ne'ebé mak existe to'o ohin loron mak Formasaun Profisionál, Formasaun Téknika, Bolsa Estudu no Tipu Formasaun seluk husi programa sira ne'e benefisia ona timoroan rihun ba rihun iha setór oi-oin.

Orgaun ne'ebé aas liu no halo desizaun ba iha Fundo de Desenvolvimento do Capital Humano (FDCH) mak Konsellu Administrasaun ho ninia papél importante mak atu fó konsellu ba política, aprovasaun no dirasaun kona-ba dezenvolvimentu rekursu umanu iha Timor-Leste ho nune'e iha trimestre ne'e Konsellu Administrasaun FDCH realiza enkontru ba dala 22 no ba dala tolu (3) iha mandatu VIII Governu Konstitusionál nian hodi halo apresiasaun ba ezekusaun orsamentu FDCH 2022 janeiru-jullu no halo diskusaun ba planu programa no aprovasaun proposta orsamentu 2023 nian.

Aleinde ne'e iha trimestre ne'e FDCH implementa mós programa sira hanesan Estájiu Profisionál ba Melhores Graduados iha rai-laran, organiza semináriu nasional ho tema “Kapasitasaun no Desenvolvimentu Rekursus Humanus Nasionais,” FDCH ho ANATL, EP ho Politeknik Penerbangan Suarabaya Asina mós *Memorandum of Agreement (MoA)* hodi kontinua haruka foinsaé timoroan sira ba hala'o estudu liuhosi programa bolsa estudu ne'ebé FDCH finansia liuhosi ANATL, EP, FDCH, INAP, CFP no Ministério Saúde halo mós negosiasaun hodi estabelese akordu tékniku ho universidade no instituisaun fornesedór formasaun sira iha Indonézia ne'ebé sei fó formasaun no simu bolseiru timoroan sira liu-liu funsionáriu sira iha Ministério Saude nian atu ba hala'o sira ninia estudu ho nível mestradu no doutoradu iha universidade sira iha Indonézia.

Antes hakotu redasaun nafatin agradese ba parte hotu ne'ebé kontribui direita no indireita hodi finalizatan produsaun ba boletín trimestre ida ne'e, nafatin agradese mós ba lee na'in sira ne'ebé sempre akompanha atividade tomak FDCH nian liuhosi Boletín kada Trimestre, Ami fier katak Boletín ida ne'e nu'udar meiu komunikasaun ida atu introdus no informa nafatin ba ita-boot sira serbisu sira ne'ebé FDCH implementa liu-liu iha dezenvolvimentu rekursus umanus ita nia nasaun Timor-Leste nian.Obrigado



Enkontru Konsellu Administrasaun FDCH ba Dala-22 Halo apresiasaun ba Ezekusaun Orsamentu 2022 Aprova Planu no programa 2023

Konsellu Administrasaun mak orgaun ne’ebé aas liu no halo desizaun iha Sekretáriadu Fundo de Desenvolvimento do Capital Humano (FDCH), papél konsellu nian mak atu fó konsellu ba política, aprovasaun no dirasaun kona-ba dezenvolvimentu rekursu umanu iha Timor-Leste

Konsellu Administrasaun mak orgaun ne’ebé halo desizaun iha Sekretáriadu Fundo de Desenvolvimento do Capital Humano (FDCH), papél konsellu nian mak atu fó konsellu ba política, aprovasaun no dirasaun kona-ba dezenvolvimentu rekursu umanu iha Timor-Leste nomós programa FDCH no projeto sira iha Timor-Leste. Konsellu ne’iha mós responsabilidade Jerál ba jestaun FDCH.

Espesíkamente, Konsellu Administrasaun FDCH nia mandatu tuir artigu 6, dekretu lei numeru 13/2020 de 15 de Abril mak hanesan: 1). Aprova planu asaun anuál Fundu nian 2). Aprova proposta orsamentu anual Fundu nian, 3). Aprova planu aprovisionamentu anual Fundu nian, 4). Aprova relatóriu atividades anual Fundu nian, 5). Aprova relatóriu kontas anual Fundu nian, 6). Aprova relatóriu anual aprovisionamentu Fundu nian, 7). Aprova programa, projeto

no atividade seluk ne’ebé atu finansia husi FDCH, no mós estimativa ba kustu sira, bazeia ba prioridade ne’ebé estabelese husi Konsellu Ministrus, 8).

Aprova opsaun sira ba finansionamentu kada programa no projeto ne’ebé atu finansia, 9).

Autoriza pagamentus no despezas tomak ne’ebé realiza husi Fundu CA-FDCH bele delga ba Diretor Ezekutivu kompeténsia sira ne’ebé prevista iha alínea g) to’o i) husi artigu 6.o Dekretu-Lei n.o 13/2020, 15 Abril, ne’ebé reflete iha parágrafu anteriór.

Ho nune’e iha loron 09 Agostu 2022. Konsellu Administrasaun Fundo de Desenvolvimento do Capital Humano (CA-FDCH- sigla Portugues) realiza enkontru Konsellu Administrasaun ba dala 22 no ba dala tolu (3) iha mandatu VIII Governu Konsti-

tusionál nian, iha sala reuniaun JL Vila, Aimutin.

Objetivu enkontru CA-FDCH nian mak hodi halo apresiasaun ba ezekusaun orsamentu FDCH 2022 janeiru-jullu no halo diskusaun ba planu programa no aprovasaun proposta orsamentu 2023 nian. Enkontru CA-FDCH ne'e prezide husi sua exelensia Ministru Ensinu Superiór, Siénsia no Kultura (MESCC) ne'ebé nu'udar Prezidente CA-FDCH, Sr. Longuinhos dos Santos no marka mós prezensa husi membru permanente CA-FDCH nian hanesan, Sua Exelensia Ministru Petróleo no Minerais (MPM), Sr. Víctor da Conceição Soares, no Sekretáriu Estadu Formasaun Profisionál no Empregu (SEFOPE) Sr. Alarico de Rosario.

Prezidente CA-FDCH, Sr. Longuinhos dos Santos hatete enkontru ne'e realiza tinan ida dala ida, bazeia ba dekretu lei número 13/2020 de 15 de Abril ne'ebé hatuur kompeténsia sira CA-FDCH nian.

Enkontru CA-FDCH ne'e, hahú ho apresentasaun husi Diretor Ezekutivu FDCH, Dr. Cristovão dos Reis kona-bá taxa ezekusaun Orsamentu Jerál Estadu (OJE) 2022-Livru -6 hahú husi Janeiru-Jullu tuir programa kada instituisaun governu no estadu sira ne'ebé akredita mai FDCH, no apresenta mós ba presidente CA-FDCH tetu orsamentu FDCH 2023 ho montante milaun \$ 17.7 ne'ebé nu'udar proposta orsamentu FDCH nian hodi finansia programa sira iha tinan 2023.

Hafoin apresentasaun husi Diretor Ezekutivu FDCH, presidente ho membru CA-FDCH sira halo analiza no aprovasaun ba tetu Orsamentu Jerál Estadu (OJE) 2023- Livru 6 FDCH nian ho montante millaun \$ 17.7 tuir pakote fiscal ne'ebé atribui husi Ministériu Finansas mai FDCH nu'udar proposta orsamentu FDCH 2023 hodi finansia programa sira ne'ebé sei hala'o iha tinan 2023.

Prezidente CA-FDCH ho membru sira halo mós aprovasaun ba atualizasaun tabela orsamentu kona-bá pedidu apoiu individuais ba estudante universitariu sira iha rai-laran no rai-li'ur, valor bolseiru sira iha Portugal.

Aprova mós dokumentu Estudu no Avaliasaun ba rezultadu programa FDCH nian durante periodu 2015-2020 ne'ebé FDCH realiza ho kooperasaun Instituto Nacional Ciéncia e Tecnologia (INCT).

Aleinde halo aprovasaun no apresiasaun ba ezekusaun programa sira CA-FDCH halo mós diskusaun kona-bá kanselamentu bolsa estudu ba Benefisiariu sira hahú husi periodu 2011- 2021.

Partisipa mós iha enkontru ne'e Koordenadores, Asesor sira no kargu xefia sira husi ST-FDCH, II Vise Prezidente INCT Dr. Augusto Soares , Peskizador senior Dr. Afonso de Almeida, Diretor Rekursu Umanus MPM, diretor jerál no ekipa husi SEFOPE, Asesór sira husi MESCC, Asesór sira husi Ministériu Finansas no ekipa tékniku sira husi FDCH.(Média_FDCH)





Governu Lansa Programa Estájiu Profisionál Ba Melhores Graduados Hosi Universidade no Instituisaun Ensínu Superior Rai-Laran

Oitavu Governu Konstitusionál liuhosi Ministériu Ensínu Superior Siénsia no Kultura, atravez FDCH lansa programa estájiu profisionál ba melhores graduados husi instituisaun esnsinu superior sira iha rai-laran hodi promove foinsae' sira asesu ba melkadu traballu.

Fundo de Desenvolvimento do Capital Humano (FDCH), pretende kapasita sidadaun timoroan sira, liu-liu sira ne'ebé foin remata sira nia estudu hosi ensinu superior, durante sira nia estudu iha nível lisensiatura, ne'ebé maka oras ne'e dadaun seidauk hetan servisu, atu dezenvolve sira nia koñesimentu ne'ebé sira hetan ona durante sira nia estudu iha instituisaun pública Estadu nian no mós instituisaun privada sira liuhosi "Programa Estájiu Profisionál.

Programa Estájiu Profisionál hanesan programa ida ne'ebé maka atu hasa'e koñesimentu tékniku no kapasidade ba resém graduadu sira iha administrasaun pública no privada no kontribui ba dezenvolvimentu merkadu traballu Timor-Leste nian.

Ho nune'e, iha loron 01 Jullu 2022. Ministru Ensínu Superior, Siénsia no Kultura S.E. Sr. Longuinhos dos Santos ofisilamente halo Lansamentu ba Programa Estájiu Profisionál ba Melhores Graduados hosi Universidade no Instituisaun ensinu superior sira iha rai-laran ho tema " Promove o Emprego para os Melhores Graduados do Ensino Superior" .

Programa estájiu profisionál ne'e ofisilamente lansa husi Sua Exelénsia Ministru Ensínu Superior Siénsia no Kulturano Prezidente Conselho Administrção -FDCH, Sr. Longuinhos dos Santos MM, ne'ebé akompanha husi Diretor Ezekutivu FDCH, Dr. Cristóvão dos Reis. Programa Estájiu Profisionál ba melhores graduados não bolseirus ne'e realiza bazeia ba

diploma ministerial número 19/2022 de 8 de Junho Regimento de atribuição de Estágios profisionais as Estudantes Nacionais com Mérito Academico.

Objetivu hosi implementasaun programa ne'e atu promove foinsae sira neebé hetan valor di'ak liu bainhira gradua husi Universidadade no instituisaun ensinu superior sira iha rai-laranatu hodi asesu ba merkadu servisu.

Iha implementasaun programa estájiu profisionál ba faze dahuluk tinan ne'e ho orsamentu \$ 437, 500 neebé sei benefisia estájiariu 445 neebé sei koloka sira ba halaó sira ninia estájiu iha instituisaun Estadu, Instituisaun Governu no Empreza públiku no privadu sira hamutuk 40, hodi halaó sira ninia estájiu ho

durasaun fulan neen (6). Durante estájiu, estájiariu sira iha direitu atu simu insetivu ka subsidiu husi Governu liuhosi FDCH kada fulan ho montante \$ 150.

Naran ba kandidatu sira estájiu profisionál submete direita husi Universidade no Instituisaun Ensinu superior sira mai iha FDCH no hetan mós avaliaasaun husi ekipa Juri neebé prezije direita husi diretór Ezekutivu FDCH.

Partisipa iha lansamentu ne'e Magnifiku Reitór sira, Diretór no Diretora Rekursus umanus husi instituisaun estadu no empreza sira neebé sei simu estajariu sira, Koordenadór sira iha FDCH no asesor sira, no kandidatuh estajariu husi univesridade no instituisaun ensinu superior sira iha rai laran.

Estájiariu Melhores Graduados 437 Hala'o ona sira nia Estájiu Pofisionál iha Instituisaun 125



Hafoin Sua Exelénsia Ministru Ensinau Superior Siénsia no Kultura no Presidente Conselho Administrção - FDCH, Sr. Longuinhos dos Santos MM, halaó lansamentu ba programa Estájiu profisionál ba melhores graduados hosi instituisaun esnsinu superio sira iha rai laran iha loron 1 Julu 2022 iha salaun Delta Nova, Secretariado Técnico Fundo de Desenvolvimento do Capital Humano

halo ezersisiu hodi komunika ho instituisaun akolladora sira husi Instituisaun Governu, Instiuisaun estadu, empreza públiku no privadu sira hodi koloka estájiriu ba halaó sira ninia estájiu durante fulan neen.

Ho nune'e FDCH koloka ona estájiariu ba programa estajiu profisionál melhores graduados husi instituisaun ensiñu superior rai-laran hamutuk estájiariu na'in 437 Feto 229 mane 208 hodi halaó sira ninia estajiu profisionál durante fulan neen iha instituisaun akolladora 125 hanesan instituisaun governu, instituisaun estadu, empreza públiku no privadu, organizasaun nasional no internasional sira.

Programa estájiu profisionál ba melhores graduados ne'e realiza ho objetivu atu promove graduadu sira neebé gradua ho valor di'ak liu atu asesu ba merkadu servisu iha rai-laran. FDCH agradese ba kooperasaun di'ak husi instituisaun públiku no privadu hotu ninia apoiu no kontribuisaun hodi simu ona estájiariu sira husi FDCH hodi halaó

estájiu, hein katak foinsae' graduadu hirak ne'e bele aproveita oportunidade ida ne'e hodi hetan esperiénsia servisu no sai hanesan bukae ba sira iha futuru.

Estajiu ba melhores graduados hirak ne'e ho durasaun fulan neen (6), durante estájiu, estájiariu sira iha direitu atu simu insentivu ka subsidiu husi Governu liuhosi FDCH kada fulan ho montante \$ 150 hodi apoiu ba kustu transporte no facilita estajiáriu sira nia nesesidade baziku loro-loron nian. Implementasaun programa estájiu profisionál ba faze dahuluk tinan 2022 ne'e lansa ofisialmente husi Sua Exelencia Ministro Ensino Superior, Ciencia no Cultura no Presidente CA-FDCH Sr. Longuinhos dos Santos, iha loron 1 Jullu 2022, no orsamentu ne'ebé finansia

programa estájiu ne'e ho montante \$ 437,500 ne'ebé sei benefisia estájiariu 445. maske nune'e ba implemetasaun primeriu etapa ne'e iha de'it estajairu 437 tanba maioria melores graduadus hetan ona servisu.

Programa Estájiu Profisionál ba melhores graduados ne'e, nu'udar programa ne'ebé governu implementa ba dahuluk iha tinan ne'e, hodi bele valoriza investimentu inan aman sira nian ba nia oan sira no bele sai mós hanesan ponte hodi bele kanaliza foinsae' sira ne'e asesu ba iha merkadu servisu iha instituisaun público no privadu sira iha rai-laran.

FDCH- INAP- CFP no INS Halo Negosiasaun no Asina Akordu Tékniku ho Universidade no Instituisaun Fornesedór Formasaun sira iha Indonézia



Fundo de Desenvolvimento do Capital Humano (FDCH), Instituto Nacional Administração Pública (INAP), Comissão da Função Pública no Instituto Nacional da Saúde (INS) dezloka ba Indonézia hodi halo negosiasaun no establese akordu tékniku ho universidade no instituisaun fornecedor formasaun sira iha Indonézia.

Diretor Executivo Fundo de Desenvolvimento do Capital Humano (FDCH), Dr. Cristovão dos Reis, acompanhado por Assessor Jurídico Nacional FDCH, Sr. Tomás Maria Nunes, Conselheiro Conselheiro da Função Pública, Sr. Antônio Freitas, Diretor Geral INAP,

Sr. Agostinho Letencio, Diretora Executiva Instituto Nacional de Saúde que nesse grupo dezloka ba Indonézia hahú husi 13-16 setembro 2022 hodi halo negosiasaun no asina akordu tékniku ho instituisaun fornecedor formasaun iha área formasaun técnica no bolsa estudo

ba funzionáriu público sira iha Ministériu saúde. Ba implemtasaun programa formasaun no bolsa estudu sira neé hotu sei finansia liuhosi Fundo de Desenvolvimento do Capital Humano liuhosi INAP ho Komisaun Funsaun Pública haktuir dekretu lei regulamentu FDCH nian neébé fó kompétensia ba INAP ho CFP.

Iha vizita neé ekipa dezlokasaun halaó uluk diskusaun no negosiasaun ho Universidade Airlangga, Surabaya no parte universidade konkorda nuneé parte sira selebra asina akordu tékniku ho ho objetivu iha 2023 Ministériu Saúde sei fó bolsa estudo ba funzionáriu Ministériu Saúde, liuhosi konkursu público ba sira neébé iha interesse atu kontinua sira nia estudu mestradu no doutoradu ba area saúde nian iha universidade refere.

Iha momentu hanesan, ekipa dezloka ba Jakarta halaó mos negosiasaun ba akordu ho Lembaga Administrasi Negara (LAND), iha futuru sei haruka funzionáriu sira ba tuir formasaun iha area espesializada sira no realiza mós negosiasaun hodi asina akordu tékniku ho Universidade Padjajaram (UNPAD), Bandung, tuir planu, Ministériu Saúde liuhosi INS sei fó bolsa estudo ba funzionariu sira hosi Ministériu Saúde ba sira neébé iha interesse atu kontinua estudu mestradu iha Universidade refere.

Hafoin halo negosiasaun ho instituisaun universitáriu no instituisaun fornesedór formasaun sira, iha vizita neé Diretor Ezekutivu FDCH aproveita mós oportunidade hodi realiza enkontru ho bolseiru doutoraduna' in 6 neébéhetan bolsa estudu husi FDCH no daudaun neéhalao hela sira nia estudu iha Uversitas Udayana Bali, hodi hatene sira ninia prosesu estudu no dezafiu sira neébe bolseiru hirak neéenfrenta .

Durante enkontru Bolsieru sira mós apresenta sira nia difikuldade estudu no peskiza nian, nuneé Diretor Ezekutivu enkoraza nafatin bolseiru sira atu kontinua nafatin buka solusaun no hodi termina sira ninia estudu tuir tempu neébe iha no enkonraza bolseiru sira atu labele deziste.





TDS buka posibilidade kooperasaun ho FDCH iha area formasaun

Diretor Ezekutivu Fundo de Desenvolvimento do Capital Humano (FDCH) Dr. Cristovão dos Reis simu Diretor Jerál Timor Delta Solusindo (TDS), Sr. Usep Saipulloh husi Jakarta iha ninia gabinete, iha loron 22 setembru 2022, hodi partilla informasaun ba malu no haree posibilidade kooperasaun servisu hamutuk iha futuru iha area formasaun.

Objetivu hosi vizita ekipa neé mai FDCH hakarak rona informasaun kona-bá investimentu Rekursus Umanus iha area formasaun ba funzionariu publiku enjeral neébe FDCH finansia hosi INAP no KFP tanba TSD nu'udar instusaun fornesedor formasaun neébe servisu hamutuk ho instituisaun governu no instituisaun estadu iha Timor-Leste hahú iha tinan 2014.

Diretor Ezekutivu FDCH agradese ho prezensa Diretor TDS ho ekipa neébe mai vizita FDCH hodi hatene servisu sira neébe FDCH iha durante neé, no halo mós introdusaun kona-bá servisu no programa sira neébe FDCH iha

hanesan formasaun profisionál, formasaun Téknika, Bolsa estudu no Tipu formasaun seluk.

Aléinde neé Diretor Ezekutivu FDCH esplika mós kona-bá formasaun hotu-hotu neébe liga ba funzionáriu públiku ohin loron jere no implementa husi Instituto Nacional Administração Publica (INAP) ho Comissão da Função Publica (CFP) bazeia ba dektretu lei nú 13/2020 de 15 de abril neébe fó kompéntensia ba INAP ho CFP maibé finanseiru ba formasaun sira neé nafatin liuhosi FDCH.

Hafoin rona tiha esplikasaun, Diretor Jerál TDS, Sr. Usep Saipulloh hatete ba futuru relatório formasaun sira neébe benefisia ba funzionáriu publiku sira, TDS sei sumete mós mai iha FDCH tanba FDCH mak finansia programa formasaun sira.

Partisipa mos iha enkontru neé Diretor Nasional no Xefe Departamentu sira FDCH nian no enkontru neé rasik realiza iha sala enkontru Diretor Ezekutivo FDCH, iha Palacio do Governo .(Media_FDCH)

MESCC-FDCH Realiza Semináriu Nasional ho Tema “Kapasitasaun no Desenvolvimentu Rekursus Humanus Nasionais”



Ministériu Ensinu Superior, Siénsia no Kultura (MESCC- Sigla iha Portugés) liuhosi Fundo de Desenvolvimento do Capital Humano (FDCH- Sigla iha Portugés), realiza Semináriu Nasional hodi Selebra loran Ensinu Superior no Loran Mundial ba Siénsia ba dala-XXI ho tema “Kapasitasaun no Desenvolvimentu Rekursus Humanus Nasionais,” iha salaun Delta Nova, Díli, 28 Julu 2022.

Objetivu hosi semináriu neé hodi selebra no komemora loran Ensinu Superior no Loran Mundial ba Siénsia ba dala-XXI ho apresenta rezultadu estudu avlisaun ba programa FDCH nian hahú hosi tinan 2015 toó 2020 ba públiku kona-bá progresu, impaktu neébé FDCH atinje no dezafiu sira neébé FDCH enfrenta liu-liu iha dezenvolvimentu rekursu umanu Timor-Leste nian iha setór oi-oín.

Semináriu Nasional neé hetan abertura hosi Exelensia Ministru Ensinu Superior Siensia no Kultura no Prezidente Konsellu Administrasaun FDCH, Sr. Longuinhos dos Santos neébé akompanha hosi Diretor Ezekutivu FDCH, Dr. Cristovão dos Reis, Diretora Ensinu Superior MESCC, Sra. Maria Filomena Lay Guterres no orador sira.

Iha diskursu Ministru Ensinu Superior Siensia no Kultura, Sr. Longuinhos dos Santos hatete iha ti-

nan ikus-ikus neé, Fundu Dezenvolvimentu Kapitál Umanu, Diresaun-Jerál Ensinu Superior no Siénsia, nomós Ajénsia Nasional ba Avaliasaun no Akreditasaun Akadémika halao servisu hamutuk neébé positivu tebes, hodi organiza eventu sira neébé kontribui ba reflesaun no balansu kona-ba política nasional ba dezenvolvimentu rekursu umanu sira, hanesan tema neébé ema ladún diskuti, maske tema neé importante tebes ba futuru nasaun nian.

Sua Exelensia Ministru hatete, aspetu importante seluk mak, Fundu Dezenvolvimentu Kapitál Umanu organiza semináriu ida ho hanoin diák tebes atu apresenta avaliasaun kona-ba ninia asaun rasik no programa sira neébé implementa tiha ona hahú kedes iha tinan-2015.

“Ida-neé hanesan atitude neébé louvável tebes no corresponde ba mellór práтика jestaun instituisaun ida nian hodi hadiák ninia dezempeñu, tampa liuhosi mekanizmu ida-neé mak instituisaun ida bele identifika ninia pontu fraku hodi hadiák fali, nuneé mós ninia pontu forte sira atu bele reforsa liután,” hateten Ministru

Tuir nia liuhosi avaliasaun mak FDCH bele halo estimasaun ba grau satisfasaun hosi ninia parseiru no benefisiáriu sira ho ninia prestasaun. Tanba neé, in-

dependentemente hosi konteúdo estudo, ha'u hakarak felisita responsável sira FDCH nian, no Instituto Nasional ba Siénsia no Teknolojia (INCT), nu'udar institusaun ne'ebé responsável ba realizasaun estudo ida-ne'e.

Orador sira ba semináriu nasional ne'e. Dr. Afonso de Almeida ho Dr. Carlos da Conceição nu'udar peskizadór, apresenta Rezultadu Estudu Avaliasaun programa FDCH 2015-2020, Dr. Edmundo Viegas apresenta topiku kona-bá Perspetiva Dezenvolvimentu Rekursus Umanus Timor-Leste, Dr. Augusto Soares númerar moderador no Koordenador Ezekusaun Planu Programa, Projeto no Sistema Informasaun Sr. Henrique do Rosario ne'ebé apresenta kona-bá sistema *Beneficia-*

ry Management System Information ne'ebé FDCH estabelese Iha semináriu ne'e entrega mós sertifikadu apresiasaun ba peskizadór hamutuk na'in 40 ho pozisaun Asistente Téknika ne'ebé ajuda peskizadór senior na'in rua hodi halibur dadus no informasaun sira relasiona ho estudo no avaliasaun ba servisu FDCH nian etapa II 2015-2020 nian. Patisipa iha semináriu ne'e, Reitor sira hosi universidade, Presidente institutu, diretor jerál, diretor nasional Rekursus Umanus, pontu fokal sira hosi Liña Ministerial no instituisaun estadu sira ne'ebé akreditadu iha FDCH, Diridente sira MESCC, Koordenadores no Xefe Departamentu sira no ekipa tekniku husi ST-FDCH.(Media_FDCH)

Dr. Edmundo Viegas : Hari'i Estadu ida Sustentavel Rekursu Umanu Importante



Dr. Edmundo Viegas ne'ebé FDCH konvida nu'udar orador hodi apresenta topiku kona-bá perspetiva Dezenvolvimentu Rekursus Umanus Timor-Leste, iha semináriu komemorasaun loron Ensinu Superior no Loron Mundial ba Siénsia hatete papél FDCH hanesan instituisaun ida ne'ebé kontrola fundu ba rekursu umanu iha Timor-Leste tantu iha setór púbiku no privadu, hodi perpara rekursu tuir nesesidade Governu Timor-Leste ne'ebé aliña ho Planu Estratéjiku Dezenvolvimentu Nasional (PEDN).

Tanba atu harii estadu ida sustentabel ita laós presiza de'it rekursu naturais, maibé rekursu umanu mak importante, ho ida ne'e papél FDCH atu perpara rekursu iha nível kapitál umanu, tanba kapitál umanu rekursu ida iha nível ne'ebé aás liu ona no kualifikadu iha setór estratéjiku, hodi bele fo retornu ekonómiku ba iha país.

Investimentu ba rekursu umanu tuir estudo avaliasaun ne'ebé FDCH halo durante tinan 10, ho programa haat importante hodi prepara rekursu umanu tuir nesesidade iha instituisaun estadu no pubbliku, nomós fó sujetaun ba estadu Timor-Leste atu resentralizasaun fila-fali programa sira ne'e ba FDCH, atu FDCH bele halo kontrolu maximu ba ezekusaun programa, atividade kapasitansaun rekursu umanu.

FDCH iha kompeténsia atu halo kontrolu ba programa atividade kapasitansaun rekursu umanu hotu, ho ida ne'e FDCH iha nia estudo avaliasaun hato'o rekomendasau resentralizasaun fila-fali programa sira ne'e ba FDCH.

Nia dehan konseptu entermus política ita avansadu ona tanba ita adopta kultura husi rai sira selu-seluk, agora sai ida mak ita enfrenta agora ne'e, iha nível operasional ne'e ita sei problema barak, intermu de konseptu ita di'ak ona, agora saida mak FDCH iha ST-FDCH sei enfrenta ne'e mak, embora ensinu Fundu Capital Humanu ne'e ba duni investimentu ba pubbliku iha area oi-oin.

"Ha'u espera katak pontu vocal sira hetan ona relatoriu estudo avaliasaun rua ne'e husi tinan 2011-2014 no 2015-

2020, sei ita-bot sira lee ona relatoriu rua ne'e ita lahetan novidaede ida, saida mak FDCH konkui iha tinan 2011-2014 hanesan saida mak nia FDCH hetan iha tinan 2014 to 2020,"

Porezemplu, laiha aliñamentu ida ka asentuadu entre objetivu formasaun entidade oi-oin iha FDCH ne'e ho planu estratéjiku dezenvolvimentu nasional tinan 5 liuba nia konkulzaun hanesan no iha tinan 2020 mós nia konkulzaun hanesan, laiha novidade, ne'e tanba implementasaun atividade FDCH nian ne'e sentralizadu ba iha entidade ida-idak FDCH laiha kbiit atu kontrola, portantu fiar de'it ba entidade ida-idak tau planu aliña ho PEDN.

Tuir lolos ne'e FDCH iha kompetencia atu halo kontrolu ba programa atividade kapasitansaun rekursu umanu hotu, ho ida ne'e FDCH iha nia estudo avaliasaun hato'o rekomendasau resentralizasaun fila-fali programa sira ne'e ba FDCH, ba oin espera katak FDCH hamutuk ho INAP tenki haree fila-fali INAP nia nesesiadade ne'e hodi elabora halo di'ak liu tan atividade tomak iha INAP hodi perpara fatin formsaun ida ne'ebé di'ak liu atu bele hasa'e kualidade funsionáriu hot-hotu iha nível kapital umanu.

Intervensaun Ministru Ensínu Superior, Ciéncia e Cultura Iha Semináriu Nasionál ba Kapasitasaun no Dezenvolvimentu Rekursu Umanu

Díli, 28 Julu 2022
Salaun Delta Nova



Eselénsia Memburu Parlamentu
Nasionál
Señór Diretor Ezekutivu FDCH,
Señora Diretora-Jerál Ensínu Superiör no
Siénsia,
Señór Presidente INCT,

Estimadu konvidadu, Señora no Señór sira,

Ha'u hakarak hahú ha'u-nia intervensaun ho respeitu hodi kumprimenta partisipante sira hotu iha eventu ida-neé.

Ha'u hakarak mós apresenta ha'u-nia saudasaun ba Diretor Ezekutivu hosi Fundu Dezenvolvimentu Kapitál Umanu no, ba Diretora-Jerál Ensínu Superiör no Siénsia, neébé organiza eventu ida-neé, iha ámbitu celebraun Loron Nasionál Ensínu Superiör no aniversáriu ba dala ruanu-

lu-resin-rua (22.º) Loron Mundial Siénsia nian. Ha'u hakarak salienta tan katak, iha tinan ikusikus neé, Fundu Dezenvolvimentu Kapitál Umanu, Diresaun-Jerál Ensínu Superiör no Siénsia, nomós Ajénsia Nasionál ba Avaliasaun no Akreditasaun Akadémika hala'o servisu hamutuk neébé pozitivu tebes, hodi organiza eventu sira neébé kontribui ba reflesaun no balansu kona-ba políka nasional ba dezenvolvimentu rekursu umanu sira, hanesan tema neébé ema ladún diskuti, maske tema neé importante tebes ba futuru nasaun nian.

Hanesan tema neébé presiza iha konsensu nasional tomak, tanba neé haree liu ba estratéjia hodi fó-formasaun no kapasitasaun ba timoroan sira, atu ida-neé bele lao ho susesu, presiza tempu neébé ultrapasa limite hosi mandatu governu ida nian no, ida-neé bele realiza de'it iha médiu no longu prazu.

Ha'u sempre halo komparasaun ba planu forma-saun no kapasitasaun hanesan korida ka halai taru entrega aitonka estafeta, neé dehan katak, Governu ida hahú kaer hodi lao uitoan bá oin no, sei entrega ba Governu seluk tuirmai, hodi kontinua lao toó nia rohan tuir meta neébé defini tiha ona. Buat sira hotu neé atu dehan ba imi katak, neé mak asuntu importante no prioridade Estadu nian, no laós de'it Governu nian.

Aspetu importante seluk mak, Fundu Dezenvolvimentu Kapitál Umanu organiza semináriu ida ho hanoin di'ak tebes atu apresenta avaliasaun kona-ba ninia asaun rasik no programa sira neébé implementa tiha ona hahú kendas iha tinan-2015. Ida-neé hanesan atitude neébé louvável tebes no koresponde ba mellór práтика jestaun instituisaun ida nian hodi hadi'ak ninia dezempeñu, tampa liuhosi mekanizmu ida-neé mak instituisaun ida bele identifika ninia pontu fraku hodi hadi'ak fali, nuneé mós ninia pontu forte sira atu bele reforsa liután.

Liuhosi avaliasaun mak FDCH bele halo estimasaun ba grau satisfasaun hosi ninia parseiru no bene-

fisiáriu sira ho ninia prestasaun. Tanba neé, independentemente hosi konteúdu estudu, ha'u hakarak felisita responsável sira FDCH nian, no Institutu Nasionál ba Siénsia no Teknolojia, nuudar instituisaun neébé responsável ba realizasaun estudu ida-neé.

Ita tenke kria kultura ba avaliasaun dezempeñu instituisaun nian, tamba nia halo-parté ba reseita susesu paíz ida nian. Tanba neé, ha'u hakarak fó-parabéns ba responsável sira FDCH, ba atitude autoavaliasaun be hatudu liuhosi estudu neébé sei bá apresenta.

Eselénsia, señora no señor sira, Semináriu neé mós importante atu proporsiona sosiedade timoroan ba momentu reflesaun neébé estraordináriu, kona-ba estratéjia nacionál ba formasaun, no ha'u bele dehan katak, neé valorizaun ba rekursu umanu nacionál.

Ha'u hanoin katak planifikasiun ba formasaun presiza meta longu prazu nian, hanesan temi ona iha Planu Estratégiku Dezenvolvimentu Nacionál. Mai-bé ita mós presiza dezenvolve instrumentu ba planifikasiun médiu prazu nian, tamba sei bá hamosu dezafiu foun sira no sei muda lalais tebes realidade, tan neé mak ita presiza adapta konjuntura neébé diferente, hodi elabora planu seluk iha tempu neébé badak tebes.

Hanesan exemplu, haree ba ensinu superiór, ita inskreve dezafiu foun iha política nacionál ba setór, hanesan aselera kualifikasiun ba korpu-dosente universidade nian. Ha'u fiar katak imi hotu sei konorda ho ha'u, se ha'u dehan katak, ita só bele konsolida ita-nia Instituisaun Ensinu Superiór sira, bainhira dosente barak liu mak hetan tiha ona nível estudu pós-graduadu nian, liu-liu nível Doutoramentu.

Bainhira ko'alia kona-ba siénsia, satán semináriu neé halao iha ámbitu komemorasaun ninia loron mundiál, ha'u sei dehan hanesan neé duni. Ho de'it ema-sientífiku ho formasaun avansada mak ita sei praktika siénsia neébé sei lori solusaun ba problema dezenvolvimentu nacionál.

Buat hirak-neé hotu, atu dehan ba imi katak, ita tenke harii kursu doutoramentu iha Timor-Leste, hodi lori universidade estranjeira neébé eselénsia mai Timor, asosiadu ho IES nacionál, atu kapasita dosente no investigadór sira iha nível avansadu.

Mekanizmu hodi haruka profesór UNTL no foin lalaís neé, haruka tan profesór sira hosi universidade privada ba estranjeiru atu halao sira-nia kursu doutoramentu, neé iha utilidade tebes no tenke la'o nafatin, maibé neé la suficiente bainhira ita-nia hanoin atu muda perfil kualifikasiun ba korpu-dosente nacionál no instala sistema ba siénsia, teknolojia no inovasaun.

Ha'u bolu imi-nia atensaun ba karatér reprodutivu investimentu nian, neé barakliu, iha formasaun avansada, no espesífiku iha doutoramentu. Tamba, bainhira ita forma doutores sira, ita laós forma de'it benefisu sira, maibé indiretamente, ita forma hela sira nuudar profesór kualifikadu, neébé sei fó formasaun ba sira seluk.

Eselénsia, señora no señor sira, Daudauk neé dezafiu seluk neébé ita hasoru mak nesesidade atu investe ba formasaun profissional iha nível superiór. Ha'u hanoin ita tenke reforsa preokupaun neé liuhosi fó servisu ba finalista nacionál sira. Tan neé maka, Governu insertiva nafatin instituisaun Ensinu Superiór sira atu inklui iha sira nia oferta formativa kursu neébé hanorin kona-ba koñesimentu prátkiku, koñesimentu neébé lori estudante diplomadu tama ho lais no ho susesu integra ba iha merkadu traballu.

País dezenvolvidu sira maka sira neébé haluan oferta kursu atu estudante sira adkiri kompeténsia traballu no mós emprendedorismu. Ita hatene katak ita-nia país sei nakloke ba investimento estranjeiru diretu tanba, ita iha mundu globalizadu. Kuantidade no kualidade mão-de-obra especializada neébé prontu atu servisu maka sei sai nu'udar parte atraente hosi Timor-Leste.

Século 21 (XXI) hatuur momoos katak vantajen competitiva prinsipal hosi país sira maka kompeténsia hosi ninia traballadór sira. Fundu Dezenvolvimentu Kapítál Umanu tenke tau-matan ba dezafiu sira neé no apresenta solusaun ba finanziamentu. Bainhira durante neé Administrasaun Pública maka nu'udar foku, ba oin, tenke tau atensaun mós ba nesesidade formasaun ba setór emprezariál, público ka privadu.

Eselénsia, señora no señor sira, Ha'u lakohi atu hanaruk tan ha'u-nia konsiderasaun maibé, ha'u mós lakohi atu ramata ha'u-nia intervensaun molok temi kona-ba papel importante

hosí FDCH ba transformasaun ita-nia sosiedade.

Sai nu'udar rezultadu hosí vizaun ida avansada no estratéjika, FDCH kontribui nafatin atu Timor-Leste bele iha rekursu umanu neébé ho koñesimentu, atitude no valor adekuadu atu ita-nia NASAUN manán dezafiu boot sira neébé mosu iha oin mai, hanesan hamenus kiak, kombate moras sira, kombate subnutrisaun, hamenus prekariedade abitasionál nomós kresimentu ekonómiku sustentável no konsolidasaun demokrasia.

Ema sé de'it maka servisu iha área edukasaun, hatene katak sempre iha dezafiu foun. No edukasaun ba itania sidadaun sira fundamental tebes atu ita bele transforma no dezenvolve ita-nia país. Hanesan edukadór no filozófu brazileiru Paulo Freire hateten: “*Educação não transforma o mundo. Educação muda as pessoas.*

Pessoas transformam o mundo” ida-neé dehan katak: “Edukasaun la transforma mundu. Edukasaun muda ema. Ema mak transforma mundu”. Nunéé, ita presiza sidadaun kualifikadu atu ita bele muda ita-nia país.

Atu ita labele kole no labele deskansa tanba, ita hasoru hela kestaun permanente ida katak, saída maka ita oferece ba timoroan sira hanesan formasaun koresponde duni ka lae ho nesesidade sosiedade nian no ninia organizaun. No haú la temi dehan katak nesesidade ohin-loron nian de'it maibé aban-bainrúa nia mó. Tan neé maka tenke buka nafatin solusaun foun no solusaun ida di'ak.

Hakotu háu-nia intervensaun, hakarak agradese ba imi-nia konvite hodi prezide semináriu neé no haú deseja ba imi hotu jornada ida produtiva entermus de refleksaun. Obrigadu Barak!

Bolseiru FDCH-ANATL, EP Na'in Neen Gradua Dahuluk Iha Poltekbang Surabaya



Surabaya. 20 Agostu 2022. Fundo de Desenvolvimento do Capital Humano (FDCH) ho Autoridade Navegasaun Aerea, Empreza Públiku (ANATL, E.P) ninia bolseiru iha área aviasaun nian na'in neen (6) gradua dahuluk iha Politeknik Penerbangang Surabaya-Indonézia hafoin hala'o sira nia estudu durante tinan tolu (2019-2022)

Diretor Ezekutivu Fundo de Desenvolvimento do Capital Humano(FDCH), Dr. Cristovão dos Reis, Presidente Konsellu Administrasaun Aeroportu no Navegasaun Aérea Timor-Leste (ANATL, EP) Sr. José Trindade da Cruz, akompaña husi Vogal sira husi ANATL, Koordenadora GAFRHI-FDCH no Xefe DEMEREP-GAGESI FDCH partisipa

ihā serimónia graduasaun ba graduadus 288 ho diploma III iha Politeknik Penerbanagan Surabaya Husi numeru graduadu na'in 288 ne'e, foinsae timoroan hamutuk na'in walu(8) mak gradua mós, na'in 6 nu'udar beneficiariu ba programa bolsa estudu ne'ebé organiza husi ANATL no finansisia husi FDCH no na'in rua (2) seluk selu rasik husi inan aman.

Bolseiru graduadus na'in 6 ne'e hahú sira nia estudu iha Poltekban iha tinan 2019 nu'udar rekursu primeiru ne'ebé governu liuhosi FDCH investe hodi prepara sira atu servisu iha area avisaun nian iha ANATL,EP, Area estudu ne'ebé bolseiru sira hala'o sira ninia estudu ba mak:

1. Air traffic control (ATC) na'in 2.
2. Airport Electricity na'in 2,
3. Airport engineering na'in 2.

Asina Akordu Tékniku ho Poltekbang

Hafoin termina graduasaun, iha oportunidade hanesan parte tolu, Fundo de Desenvolvimento do Capital Humano (FDCH), Autoridade Navegasaun Aérea Timor-Leste, Empreza Públiku (ANATL, E.P) ho Politeknik Penerbanggan Suarabaya Asina mós *Memorandum of Agreement (MoA)* hodi kontinua haruka foinsae timoroan sira ba hala'o estudu liuhosi programa bolsa estudu ne'ebé FDCH finansia liuhosi ANATL, EP.

Akordu tékniku ne'e asina direita husi Diretór Ezekutivo FDCH, Dr. Cristóvão do Reis, Presidente ANATL, E.P. Sr. José Trindade da Cruz, ho Diretór Poltekbang Surabaya M Andra Adityawarman ne'ebé akompaña husi *Kepala Pusat Pengembangan SDM Perhubungan Udara (PPSDMPU) Kementerian Perhubungan Heri Sudarmaji*, iha kampus Poltekbang ne'ebé lokaliza iha Jl. Jemur Andayani I No.73, Siwalankerto, Kec. Wonocolo, Kota SBY, Jawa Timur.

Objetivu husi establesimantu akordu tékniku ne'e hodi kontinua nafatin loke dalan ba timoroan sira atu ba hala'o sira nia estudu iha Politeknik Penerbanggan Suarabaya, liuhosi bolsa estudu ne'ebé FDCH atribui liu husi ANATL, EP.

Aléinde ne'e iha tinan ne'e Poltekbang sei simu timoan na'in neen (6) ne'ebé foin lalais pasa ou adimitidu ona

Bolseiru graduadu sira fila mai serivisu iha ANATL,EP, haktuir kontratu ne'ebé antese ne'e asina ona molok sira ba hala'o estudu hodi kontribui fila-fali matenek sira ne'ebé durante sira hetan tuir sira ididak nia area iha instituisaun ensinu superior ne'e.

Ba futuru FDCH ho ANATL kontinua tau importansia ba dezenvolvimentu rekursus umanus iha area avisaun nian hodi bele responde ba nesesidade servisu sira aeroporto nian iha TL. nune'e iha tinan ne'e FDCH ho ATAL kontinua haruka timoroan na'in neen hodi ba kontinua sira nia estudu iha Poltekbang , kandiatu hirak ne'e selecionadu ona husi teste potensia akadémia ne'ebé fo direita husi ekipa Poltekbang iha Dili.



ihā teste hodi hala'o sira nia estudu iha Poltekbang iha area sira hanesan, Jestaun ba aeroporto , Bombeirus Aeroportu no air navigation engineering. Hodi garantia tranparénsia ba implementasaun bolsa estudu, iha prosesu selesaun no teste sira sei hala'o direita husi Poltekbang Indonézia no fasilita husi ANATL, EP ho FDCH.

Relatório Taxa Ezekusaun Orsamentu FDCH Janeiru- Setembru 2022

Tabela 1 Taxa Ezekusaun Orsamentu Tuir Programa

Nú	Programa	Orsamentu Alokadu (USD)	Orsamentu depois Viroment	Totál Despezas (USD)	Balansu (USD)	Persentajen (%)
304	Formasaun Profisional	1,027,800.00	1,777,167.00	783,320.00	993,847.00	44%
313	Formasaun Teknika	3,567,543.00	3,729,580.44	2,195,087.97	1,534,492.47	59%
314	Bolsas Estudu	6,418,064.00	5,621,659.56	3,720,538.49	1,901,121.07	66%
315	Tipu Formasaun seluk	1,309,093.00	1,309,093.00	1,034,580.47	274,512.53	79%
	Totál	12,437,500.00	12,437,500.00	7,733,526.93	4,703,973.07	62%

Tabela I iha leten, hatudu taxa ezekusaun ba programa ha'at (4) durante fulan neen (6) nia laran iha tinan 2022, observa katak FDCH ezekuta ona orsamentu ho t 62% pursentu husi Orsamentu \$ 12,437,500.00.

Tabela 2 Benefisiariu Direita no Indireita

Nú	Deskrisaun Benefisiariu	Feto	Mane	Total Benefisiariu
1.	Formandus (<i>peoples who attend training</i>)	1151	3351	4,502
2.	Bolsa Estudu (<i>Full Scholarship and Parcial Schoolaship</i>)	1568	1264	2,832
3.	Pagamentu sira seluk (<i>Other payment</i>)	237	521	758
Númeru Total		2,956	5,136	8,092

Tabela 2 deskreve númeru Totál beneficiariu direita no indireita bazeia ba tipu programa no jeneru. Haktuir dadus neebe apresenta iha tabela, bele hare katak Totál beneficiariu hamutuk **8,092** husi ne'e rejista beneficiariu feto hamutuk 2,956 no mane 5,136

LIÑA MINISTERIÁL AKREDITADU IHA FDCH
Lista tabela 3. Instituisaun Ne'ebé Akreditadu husi CA- FDCH.

1.	Prokuradoria Jeral Republika (PGR)
2.	Ministériu Ensinu Superiór Siensia no Kultura (MESCC)
3.	Ministériu Justisa (MJ)
4.	Instituisaun Defesa Nasionál (IDN)
5.	Ministériu Negósiros Estrangeirus no Kooperasaun (MNEC)
6.	Ministériu Saúde (MS)
7.	Sekretaria Estadu ba Formasaun Profesional no Empregu (SEFOPE)
8.	Falíntil - Forsa Defesa Timor - Leste (F-FDTL)
9.	Policía Nacional Timor-Leste (PNTL)
10.	Sekretaria Estadu Juventude no Despostu (SEJD)
11.	Instituisaun Nasional Administrasaun Pública (INAP)
12.	Sekretariadu Tékniku ba Fundu Dezenvolvimentu Kapital Umanu (ST-FDCH)
13.	Navegasaun Aéru Timor-Leste (ANATL)
14.	Instituisaun Nasional Formasaun ba Dosentes no Profesional Edukasaun (INFORDEPE)
15.	Sentru National Rehabilitasaun (CNR)
16.	Universidade Nasional Timor Lorosae (UNTL)
17.	Tribunal Recurso (TR)
18.	Ministeriu Administrasaun Estatal (MAE)
19.	Programa Nasional Dezenvolvimentu Suku (PNDS)

Tabela 4. Despezas Orsamentu bazeia ba Instituisaun no Ezekusaun

Nú	Instituisaun	Orsamentu Alokadu	Orsamentu Depois Viroment	Despezas	Balansu	Persentajen %
1	ANATL	31,233.00	41,233.00	35,366.00	5,867.00	86%
2	CNR	27,150.00	27,150.00	12,000.00	15,150.00	44%
3	F-FDTL	73,170.00	133,170.00	114,043.50	19,126.50	86%
4	IDN	40,000.00	56,135.00	55,801.00	334.00	99%
5	INAP	92,500.00	535760	290898.4	244,861.60	54%
6	MAE	30,000.00	30,000.00	-	30,000.00	0%
7	INFORDEPE	1,810,495.00	1,738,975.00	986,657.74	752,317.26	57%
8	MESCC	1,465,600.00	886,780.00	232,548.48	654,231.52	26%
9	MJ	1,223,464.00	998,464.00	541,100.50	457,363.50	54%
10	MNEC	23,250.00	-	-	0.00	0%
11	MS	451,920.00	516,920.00	350364.94	166,555.06	68%
12	PGR	63,000.00	134,887.00	100,000.08	34,886.92	74%
13	PNDS	37,500.00	37,500.00	-	37,500.00	0%
14	PNTL	37,500.00	67,500.00	52,064.25	15,435.75	77%
15	SEFOPE	1,027,800.00	1,027,800.00	783320	244,480.00	76%
16	SEJD	25,000.00	-	-	0.00	0%
17	ST-FDCH	5,375,248.00	5,682,181.00	3,832,835.04	1,849,345.96	67%
18	TR	40,000.00	40,000.00	39,600.00	400.00	99%
19	UNTL	562,670.00	483,045.00	306,927.00	176,118.00	64%
Total		12,437,500.00	12,437,500.00	7,733,526.93	4,703,973.07	62%



LIAN BENEFISIARIU

Maluk lee na'in Bulletin FDCH, hanesan bain-bain kada trimestre ami apresenta ba ita-boot sira rubrika lian benefisiairu ne'ebé pública istória susesu sira foinsae timoroan sira nian ne'ebé hetan bolsa estudu husi Governu no finansia liuhosi Fundo de Desenvolvimento do Capital Humano (FDCH), iha edisaun ne'e ami apresenta beneficiariu bolsa estudu ne'ebé termina ninia estudu iha nasaun Tailandia honivelestudulisensiatura, iha area *Telecummunication and Network Engineering*.



Putut Pujianto Gomes foinsae ida husi Munisipiu Dili, ne'ebé hetan bolsa estudu husi Governu liuhosi *Ministério da Educação* (ME), finansia liuhusi Fundo de Desenvolvimento do Capital Humano (FDCH), iha tinan 2013 – 2018 hodi ba halao estudu iha Assumption University of Thailand, iha nasaun Tailandia ho nivél lisensiatura iha Área estudu *Telecummunication and Network Engineering*.

Uainhira termina tiha estudu iha Universidade ne'e, fila mai Timor-Leste hahú servisu iha *Ministerio da Administração Estatal* (MAE), hahú iha (fevereiru 2019 – abril 2019) nu'udár funzionariu temporáriu ba moni-

torizasaun no avaliaun iha Munisipiu Aileu.

Hafoin ida ne'e sai tekniku IT Officer iha PCIC abril 2019 – juni 2019, sai IP Core Network ANS Transmition iha Telemor Timor,LDA no Ohin loron servisu iha diresaun Fiber optic iha Ministériu Planu Ordenamentu (MPO) hahú iha setembru 2022 nu'udar engenheiro de telecomunicações submarino fibra óptica.

Bolseiru ne'e konsideira lafasil atu asesu ba iha kampu servisu nian , ho kondisaun ida foin remata nia estudo ne'ebé seidauk iha esperensia,tanba iha vaga ne'ebé mak iha sempre tau importansia liu ba iha esperensia servisu,ami ne'ebé foin termina ami nia estudo ami senti susar atu liu vaga ne'e, maibe ami mos agradese tebes ho prgrama estajiu proffesional ne'ebé FDCH oferese ba bolseiru sira ne'ebé foin termina sira nia estudo, tanba liu hosi programa ne'ebébolseiru sira bele hetan oportunidade atu bele aplika sira nia matenek ne'ebé sira hetan iha fati sira estajiu hodi bele hetan esperensia.

Rekomendasaun ba governu ka FDCH, persija mellora planu diak liu tan ba bolseiru sira wain hira termina sira nia estudo, atu nune buat ne'ebé mak governu investe ba pesoal ka bolseiru sira bele fo kontribuisaun direita ba dezenvolvimentu NASAUN Timor-Leste nian, liu hosi ministeriu no institusaun estadu sira.

Benefisiáriu programa Bolsa Estudu ne'e nota katak ho prezensa bolseiru graduadu sira fó impaktu pozitivu ne'ebé bo'ot tebes ba dezen-

volvimentu NASAUN Timor-Leste nian, liu hosi area oin oin ne'ebé mak bolseiru sira estudo ba, mak hanesan enjenaria,saude,administrasaun publiku no sira seluk tan.

Foinsae ne'e agradese no apresia ba Governu liu husi FDCH ne'ebé investe ba foinsae sira liu-liu iha area edukasaun hodi forma timoroan sira iha area oin-oin. mai-bé sujere atu hadi'a liutan implemeta-saun progama bolsa estudo iha futuru.





Monitorizasaun no avalisaun ba bolseiru Bolsa Hakbiit ho Parsiál rai-laran

FDCH ninia papél importante ida mak halo fiskalizasaun, monitorizasaun no avalisaun ba programa no projeto hotu ne’ebé implementa ho finansiamentu husi FDCH, hodi haree no observa aproveitamento benefisiairu sira nian.

Governu liuhosi Fundo de Desenvolvimento do Capital Humano (FDCH), iha tinan 2021 hamosu programa bolsa estudu Hakbiit ne’ebé fo oportunidade ba familia kbiit la’ek sira ne’ebé nia oan iha vontade atu kontinua sira ninia estudu ba banku ensniu superior maibé la iha kbiit finanaseiru no bolsa parsiál ne’ebé apoiu foinsa’e sira ne’ebé ho méritu hodi kontinua sira ninia estudu.

Iha implementasaun ba programa bolsa hakbiit ho bolsa parcial hahú husi 2021-2022 benefisia ona bolseiru 2.873 ne’ebé hala’o sira ninia estudu iha area importante sira iha universidade no instituisaun ensinu superior sira iha rai-laran.

Timor-Leste ninia vizaun estratéjika mak investe iha rekursu umanu, iha setor oin-oin hodi kontribui ba dezenvolvimentu nasaun nian importante tebes

no alinia ho Planu Estratejiku Dezenvolvimentu Nasional (PEDN) ne’ebé Timor-Leste hatun ona nu’udar matadalan ba dezenvolvimentu nasional.

Governu konsidera ho investimentu iha rekursu umanu bele apoiu máximu ba krexiemtu ekonómiku ne’ebé permite kriasaun empregu nune’e bele aumenta rendimentu no hadi’ a mós prestasaun servisu ne’ebé esensiál ba populasaun.

Iha mandatu VIII Governu Konstitusionál, kontinua tau importansia ba dezenvolvimentu rekursu umanu nune’e, nafatin aloka orsamentu ba FDCH hodi finansia ba Instituisaun ka linas Ministeriais no mós ba setór publiku sira.

Hahú husi 2011, FDCH finansia programa 4 (haat) hanesan Formasaun Profisionál, Formasaun Tekni-

ka, Bolsas estudu no Tipu Formasaun seluk.

Iha tinan 2022 orsamentu Jeral Estadu (OJE) ne'ebé aloka mai FDCH ho montante USD 12,000,000.00, hodi finansia programa haat (4) Fundo de Desenvolvimento do Capital Humano (FDCH) nia papel importante mak haktuir objetivu Fundo alinea (d) hateten katak "Promove transparénsia no responsabilidade liu husi mekanizmu no prosedimentu ba sistema relatóriu no prestasaun orsamentu kona-ba prosesu ezekusaun programa forma-saun no projeto dezenvolvimentu ba kapitál umanu".

Ho nune'e, tuir Decreto-Lei N.º 13/2020, 15 Abril, seksaun II, artigo 11.º kona-ba kompetensia Diretor Ezekutivu alinia (h) ko'alia espesifikamente kona-ba monitora programa, projeto no atividade hotu-hotu ne'ebé finansia husi FDCH.

Bazeia ba dekretu lei iha leten FDCH perpara ekipa hodi halo monitorizaun ba programa bolsa hakbi'it no bolsa parsial ho Objetivu husi monitorizaun ida ne'e maka Atu hatene kona ba projeto ka atividade nia ezistensia Atu verifica no monitoriza implementasaun programa no atividade sira tuir planu, Atu sukat kona-ba kualidade no kuantidade beneficiariu sira nian aproveitamento akademiku durante ne'e hosi programa bolsa hakbi'it no bolsa parsial iha universidade no instituisaun publiku no privadu iha rai laran.

Monitorizaun ne'e rasik Secretariado Técnico do Fundo de Desenvolvimento do Capital Humano (ST-FDCH) konsinte katak importante tebes atu kontinua halo monitorizaun ba programa no projeto sira ne'ebé maka la'o dada-un, ne'ebé mak hetan finansiamentu husi FDCH.

Nune'e, ST-FDCH orienta teknika sira hodi tun direita ba iha terenu atu bele haree, observa no akompanha direitamente prosesu no lalaox aproveitamento akademiku hosi benefisiariu sira ba programa bolsa hakbi'it no bolsa parsial.

Iha trimester III iha tinan ne'e ekipa tekniku monitorizaun FDCH, ne'ebé kompunstu hosi funsionariu tekniku FDCH no estajiu professional sira

ne'ebé hala'o sira nia estajiu iha ST-FDCH, konsege halo monitorizaun ba iha universidade salunu res-in tolu iha Timor laran tomak, ho total benifisiariu ba programa bolsa hakbi'it iha tinan 2021 hamutuk 852 bolseirus no iha tinan 2022 bolseiru 945, programa bolsa parsial ho ninia bolseiru 1000.

Orsamentu ne'ebé FDCH aloka ba Programa bolsa hakbiit ho bolsa parsial iha tinan 2022 hamutuk \$3,629,459.00. (Media-FDCH)



FDCH Finansia Kursu Supervisaun Operasaun Terrenu ba Membru PNTL



Fundo de Desenvolvimento do Capital Humano(FDCH) iha tinan 2022 aloka orsamentu ho totál \$25,547.25 hodi finansia Kursu Supervisaun Operasaun Terrenu (KSOT) ne’ebé implementa hosi Polisia Nasional Timor Leste (PNTL) hodihasa’ekapasidade nocompeténsiaba membru Polisia komunitária sira liga ba atuasaun servisu iha terrenu.

Objetivu hosi formasaun ne’e atu forma membru PNTL sira ne’ebé iha postu inspetores no sargentu ho kompetensia jestaun operasional polisia, ne’ebé tane as filosofia Polisia Komunitariu ho hatu’ur direitu umanus.

Diretor Ezekutivo FDCH, Dr. Cristovão dos Reis considera Kursu SOT ne’e importante ba membru Polisia sira tanba atu hasa’e no haklean liutan sira nia koñesementu no abilidae liga ho sira ninia servisu iha terrenu.

“Formasaun ne’e atu ajuda hasa’e koñesementu noabilidade membru polisia sira nian liu liu iha terrenu atu nune’e bele halao servisu tuir knaar ne’ebé lei fó atu garante seguransa no kria kondiasaun ne’ebé seguru ba povu hodi bele moris hakmatek”. Hatete Diretor Ezekutivo FDCH uainhira partisipa iha serimónia enseramento ne’ebé realiza iha CFP, Comoro. KSOT ne’e rasik realiza iha munisípiu lima (5) mak henesan munisípiu Dili, Manatuto, Manufahi, Viqueque no Lautem ho partisipante sira

ba kursu ne’e hamutuk 121 no formandu ba kursu ne’e mai hosi nivél komandu, Xefé Seksau, Sargentu, Asistente Inspetor, Inspetor no inspetor Xefe.

Aleinde ne’e ihaloron 16 Setembro 2022, Diretor Nacional de Coordenacão e Execucão de Programas e Projetos e de Gestão do Sistema de Informacão (DNCEPPGSI), Sr. Francisco da S. Sarmento reprezenta Diretor Ezekutivo FDCH partisipa iha serimónia enseramento Kursu Supervisaun Operasaun Terrenu (KSOT) ba Policia Nacional Timor Leste (PNTL) Munisipiu Viqueque.

Kursu ne’e halao durante semana ida, ne’ebé partisipa husi sargentu no inspetor Polisia iha Munisipiu Viqueque hamutuk na’in 20 mane na’in 17 no Feto na’in 3.





Kriteriu sira Programa Bolsa Estudu FDCH

I. BOLSA MERITU

Bolsa Méritu Governu liuhosi FDCH oferece ba Timor-oan sira ho objetivu atu forma rekursu umanu ho kualidade liu husi área estratéjiku hodi kontribui ba dezenvolvimentu sétor estratéjiku país nian no objetivu Prinsipál ba atividade ne'e mak atuatribui bolsa estudu ba ensinu superior sira iha áreas ne'ebé identifika ona hanesan prioridade ba publiku sira bazeia ba sistema Méritu husi
Kandidatu sira ho nível lisensiatura no mestradu.

KRITERIU SIRA

1. Nivel Lisensiatura:

- Nasionalidade : Timorense
- Aplika ba estudantes ne'ebé remata tiha ona Eskola Sekundaria Jeral no ETV
- Hala'o Estudu iha area siënsia natural no sosial depende kursu
- Idade maximu 25
- Solteira/o
- Aprezenta Diploma Ensino Sekundaria Jeral Tenki iha nota minimu 7 hahú husi klase 10 to'o klase 12 ou nota minimu 8 husi klase 12, no ba ETV nota minimu 7 ba area produtivu. (tenke legalizadu husi MEJD no apresenta original)
- Aprezenta Kopia Sertidaun RDTL
- Aprezenta Kopia Bileti Identidade (BI)
- Atestado Mediku husi HNGV

2. Nivel Mestradu ho Doutoramento

- Nasionalidade : Timorense
- Tenke iha lisensiatura iha area Enjeñaria Eletrika, Ambiental, Kimika no Fisika
- Idade maximu 45
- Aprezenta Curiculum Vitae
- Aprezenta Planu Estudu – minimu 500 letras ho lian Portuguesa
- Aprezenta kopia Diploma Lisensiatura legalizadu husi MESCC (Aprezenta Original)
- Kopia Sertidaun RDTL
- Kopia Bileti Identidade (BI)
- Atestado Mediku husi HNGV

II. BOLSA HAKBIPIT

Bolsa ne'e Governu liu-husi FDCH atribui de'it ba familia kbi'it laek nia oan hodi asesu ba banku universidade no instituisaun ensinu superior sira iha rai-laran hahú husi nível Diploma II to'o Lisensiatura.

KRITERIU SIRA

1. Sidadaun Timoroan
2. Iha minimu tinan 17 no masimu 25 ba Programa Bacherelato no Lisensiatura;
3. Aprezenta deklarasun kona ba situasaun sosiál familia nian ne'ebé identifika husi Xefe Suku no Ministério Solidaridade Sosiál no Inkluaun (MSSI);
4. Aprezenta Diploma Ensino Sekundariu nian no tenke iha valor mediu minimu 6;
5. Kopia Sertidaun Moris RDTL (Koloridu);
6. Kopia Kartaun Eleitoral ou BI (koloridu).


III. BOLSA PARSIAL

Programa bolsa parsial ne'ebé implementa bazeia ba Diploma ministerial nú 77 / 2021 de 10 de Novembro no diploma ministerial n. o 78 / 2021 de 10 de Novembro iha Artigu 4 ne'ebé regula kona-bá atribuisaun bolsa estudu parsial ba timoroan sira hodi kontinua sira ninia estudu iha banku ensiñu superior iha artigu 4 Bolsa Parsial iha alinea 1 ho 2.

KRITERIU SIRA

1. Sidadaun Timoroan;
2. Idade mínimu tinan 17 no másimu 25 ba programa lisensiatura;
3. Klosan (Feto/Mane)
4. Kopia no Aprezenta Diploma Ensino Sekundariu nian, Tenke iha valor médiu minimu 7.00
5. Kopia Sertidaun Moris RDTL (Koloridu);
6. Kopia Kartaun Eleitoral no BI (Koloridu);
7. Fotografia 3 x 4 tahan 1 (koloridu);
8. Prienxe formulariu Inkrisaun Bolsa Parsial FDCH nian iha loran inkrisaun.





Prezidente CA-FDCH, Sr. Longuinhos dos Santos Prezide enkontru konsellu Administrasaun FDCH ba dala 22 no dala tolu iha mandatu VIII Governu, iha salaun JL Vila Aimutin.



Diretor Ezekutivo FDCH, Dr. Cristóvão dos Reis halo apresentasaua kona-bá taxa ezekusaun orsamentu FDCH 2022-Livrur -6 no tetu orsamentu FDCH 2023, iha enkontru CA-FDCH ba dala 22.



Prezidente CA-FDCH, Sr. Longuinhos dos Santos konversa ho Ministru Petroleu no Minerais, Sr. Víctor da Conceição Soares nu'udar membru permanente ba CA-FDCH.



Enkontru konsellu Administrasaun FDCH ba dala 22 no dala tolu iha mandatu VIII Governu, nèebé realiza iha salaun JL Vila Aimutin.



Koordenadores no xefe Departamentu sira iha ST-FDCH partisipa iha enkontru CA-FDCH bala dala 22 nèebé realiza iha salaun JL Vila Aimutin.



Sesaun foto hamutuk Prezidente CA-FDCH, Sr. Longuinhos dos Santos, ho Memburu Permanente sira hanesan Ministru Petroleu no Minerais, Sr. Víctor da Conceição Soares, Sekretariu Estadu SEFOPE, Sr. Alarico de Rosario no Diretor Ezekutivo FDCH Dr. Cristóvão dos Reis hafoin termina enkontru, iha salaun JL Vila Aimutin.



Ministru Ensinu Superior Siénsia no Kultura no Prezidente CA-FDCH, Sr. Longuinhos dos Santos patisipa iha lansamentu ofisial programa Estajiu profisionál melhores graduados ne'ebé realiza iha salaun Delta Nova.



Ministru Ensinu Superior Siénsia no Kultura no Prezidente CA-FDCH, Sr. Longuinhos dos Santos, Diretor Ezekutivu FDCH Dr. Cristóvão dos Reis ho bainaka espesial sira iha serimonia lansamentu estajiu profisionál.



Estajiarius melhores graduados partisipa iha serimonia lansamentu programa Estajiu profisionál melhores graduados ne'ebé realiza iha salaun Delta Nova.




Estajiarius melhores graduados partisipa iha serimonia lansamentu programa Estajiu profisionál melhores graduados ne'ebé realiza iha salaun Delta Nova.



Estajiariu melhores graduados husi IPDC akompana husi dosente sira hasai foto hamutuk ho Diretor Ezekutivu FDCH Dr. Cristóvão dos Reis .



Ministru Ensinu Superior Siénsia, Sr. Longuinhos dos Santos akompana husi Diretor Ezekutivu FDCH Dr. Cristóvão dos Reis foto hamutuk ho reprezentante instituisaun akolladora ne'ebé simu estajiariu sira.



Ekipa Juri ba Bolsa Estudu iha area aviasaun nian ne'ebé kompostu husi ANATL, EP ho FDCH halo avaliasaun ba dokumentu aplikante sira iha salaun enkontru ANATL, EP.



Ekipa Juri ba Bolsa Estudu iha area aviasaun nian ne'ebé kompostu husi ANATL, EP ho FDCH halo avaliasaun ba dokumentu aplikante sira iha salaun enkontru ANATL, EP.



Ekipa Juri ba Bolsa Estudu iha area aviasaun nian ne'ebé kompostu husi ANATL, EP ho FDCH halo halo avaliasaun ba dokumentu aplikante sira iha salaun enkontru ANATL, EP.




Ekipa Monitorizasaun husi FDCH ne'ebé lidra husi Sra. Josefina G. do Nascimento, halo monitorizasaun ba formasaun jestauñ eskritóriu ne'ebé organiza husi INAP no finansia husi FDCH ba funsionáriu sira iha Munisipiu Liquiça.



Partisipante sira iha formasaun jestauñ eskritóriu ne'ebé organiza husi INAP no finansia husi FDCH ho seriu rona esplikasaun husi formadór, formasaun ne'e realiza iha munisipiu Liquiça.



Ekipa Monitorizasaun husi FDCH ne'ebé lidra husi Sra. Josefina G. do Nascimento foto hamutuk ho formador no partisipante sira formasaun nian iha Munisipiu Liquiça.



Prezidente CA-FDCH, Sr. Longuinhos dos Santos no Prezidente CA-FDCH, hato'o diskursu iha semináriu Nasional tema "Kapasitasaun no Desenvolvimentu Rekursus Humanus Nasionais," iha salaun Delta Nova,



Oradór sira neebé hola parte iha semináriu Nasional ho tema "Kapasitasaun no Desenvolvimentu Rekursus Humanus Nasionais," neebé realiza iha salaun Delta Nova.



Diretora Jerál Ensinu Superiör no Siënsia MESCC, Sra. Maria Filomena Lay nu'udar prezidente Komisaun Organizadora ba komemorasaun loron nasional ensinu superiör hato'o ninia diskursu iha semináriu nasional neebé organiza husi FDCH iha salaun Delta Nova.




Diretor Jerál INAP Sr. Agostinho Letencio hato'o ninia intervensaun iha semináriu nasional neebé organiza husi FDCH iha salaun Delta Nova.



Peskizadór Dr. Afonso de Almeida, halo apresentasaun kona-ba rezultadu estudu avaliasaun servisu FDCH 2015-2020 iha semináriu nasional neebé organiza husi FDCH, iha salaun Delta Nova.



Sesaun foto hamutuk Diretor Ezekutivo FDCH Dr. Cristóvão dos Reis ho peskizadór sira estudu avaliasaun servisu FDCH 2015-2020 hafoin simu sertifikadu apresiasaun husi FDCH no INCT iha semináriu nasional neebé organiza husi FDCH iha salaun Delta Nova.



Diretor Ezekutivo FDCH, Dr. Cristóvão dos Reis partisipa iha sérimonia graduasaun ba bolseiru foinsa'e timoroan na'in neen iha Poltekbang Surabaya.



Sesaun foto hamutuk konvidadu espesial sira husi Timor-Leste no Indonézia ho graduados Poltekbang hafoin termina serimónia graduasaun.



Diretor Ezekutivo FDCH, Dr. Cristóvão dos Reis ho Prezidente ANATL, E.P, Sr. José Trindade konversa ho diretór Poltekbang.




Diretor Ezekutivo FDCH, Dr. Cristóvão dos Reis hato'o prabéns ba graduadu sira hafoin termina serimónia graduasaun iha Poltekbang.



Diretor Ezekutivo FDCH, Dr. Cristóvão dos Reis ho Prezidente ANATL, E.P, Sr. José Trindade no ekipa partisipa iha serimónia graduasaun iha Poltekbang Surabaya- Indonézia



Sesaun foto hamutuk Diretor Ezekutivo FDCH, Dr. Cristóvão do Reis, Prezidente ANATL, EP, Sr. José Trindade akompanha husi ekipa ho bolseirus graduado sira.



Diretor Ezekutivu FDCH, Dr. Cristóvão dos Reis, Prezidente ANATL, E.P, Sr. José Trindade asina akordu tékniku ho Poltekbang hodi kontinua implementa programa bolsa estudu iha area aviasaun nian.



Parte tolu husi FDCH, ANATL ho Poltekbang konkorda selebra asina akoordu tékniku hodi kontinua implementa programa bolsa estudu iha area aviasaun nian.



Sesaun foto hamutuk, Diretor Poltekbang Surabaya, M Andra Aditiyawarman , Kepala Pusat Pengembangan SDM Perhubungan Udara (PPSDMPU) Kementerian Perhubungan, Heri Sudarmaji, Diretor Ezekutivu FDCH, Dr. Cristóvão do Reis no Prezidente ANATL, EP, Sr. José Trindade.




Sesaun foto hamutuk, Diretor Poltekbang Surabaya, M Andra Aditiyawarman , Kepala Pusat Pengembangan SDM Perhubungan Udara Kementerian Perhubungan, Heri Sudarmaji, Diretor Ezekutivu FDCH, Dr. Cristóvão do Reis no Prezidente ANATL, EP, Sr. José Trindade.



Diretor Ezekutivu FDCH, Dr. Cristóvão do Reis ho Prezidente ANATL, EP, Sr. José Trindade konversa amigavel ho dosente Poltekbang.



Sesaun foto hamutuk, Diretor Poltekbang Surabaya, M Andra Aditiyawarman, Dr. Cristóvão do Reis no Prezidente ANATL, EP, Sr. José Trindade ekipa delegasaun husi Timor-Leste ho timoroan sira neebé gradua iha Poltekbang.



Ekipa Monitorizasaun husi FDCH ne'ebé lidra husi Sr. Fernando do Nascimento, halo monitorizasaun ba bolseiru bolsa Hakbiit ho parsiál iha ICS, Comoro.



Ekipa Monitorizasaun husi FDCH ne'ebé lidra husi Sra. Josefina G. Do Nascimento halo monitorizasaun ba bolseiru sira bolsa Hakbiit ho parsiál ne'ebé hala'o sira ninia estudu iha DIT.



Ekipa Monitorizasaun husi FDCH ne'ebé lidra husi Sr. Fernando do Nascimento, halo monitorizasaun ba bolseiru sira bolsa Hakbiit ho parsiál iha ICS, Comoro.




Ekipa Monitorizasaun husi FDCH halo esplikasaun ba bolseiru sira kona-ba oinsá atu prienxe kestionáriu ne'ebé ekipa monitorizasaun FDCH prepara.



Bolseiru sira bolsa Hakbiit ho parsiál ne'ebé hala'o sira ninia estudu iha ICS, Comoro partisipa no rona esplikasaun husi ekipa monitorizasaun husi FDCH.



Bolseiru sira bolsa Hakbiit ho parsiál ne'ebé hala'o sira ninia estudu iha DIT partisipa no rona esplikasaun husi ekipa monitorizasaun husi FDCH.



Ekipa Monitorizasaun husi FDCH ne'ebé lidra husi Sr. Fernando do Nacimento, halo monitorizasaun ba bolseiru sira bolsa Hakbiit ho parsiál iha ISC.



Ekipa Monitorizasaun husi FDCH ne'ebé lidra husi Sr. Henrique do Rosario, halo monitorizasaun ba bolseiru sira bolsa Hakbiit ho parsiál iha UNDIL.



Bolseiru sira bolsa Hakbiit ho parsiál ne'ebé hala'o sira ninia estudu iha ISC partisipa no rona esplikasaun husi ekipa monitorizasaun husi FDCH.



Bolseiru sira bolsa Hakbiit ho parsiál ne'ebé hala'o sira ninia estudu iha UNDIL partisipa no rona esplikasaun husi ekipa monitorizasaun husi FDCH.



Ekipa Monitorizasaun husi FDCH ne'ebé lidra husi Sr. Fernando do Nacimento, halo monitorizasaun ba bolseiru sira bolsa Hakbiit ho parsiál iha ISC.



Sesaun foto hamutuk ekipa monitorizasaun ho bolseiru sira Bolsa Hakbiit ho Bolsa parsiál ne'ebé hala'o sira ninia estudu iha UNDIL hafoin termina monitorizasaun.



FUNDO DE DESENVOLVIMENTO DO CAPITAL HUMANO

1.KONA-BAFDCH(FUNDODEDESENVOLVIMENTO DO CAPITAL HUMANO

Fundo de Desenvolvimento do Capital Humano (FDCH) hari'i liu husi Lei nu. 1/II, 14 Fevereiru 2011, ne'ebé aprova Orsamentu Jerál Estadu ba 2011, no hanesan Fundu Autonomu, bazeia ba artigu 2. numeru 4 Lei nu. 1/2022, 3 de Janeiru Orsamentu Jeral Estadu 2022. Kona-ba Orsamentu no Jestaun Finanseira.

1.1.Estabelesimentu

FDCH hari no aprovadu husi Parlamentu Nasional liu husi Lei no 1/II iha loron 14 Fevereiru, Artigu 9 kona ba OGE 2011 baseia ba Artigo 32 Lei no 13/2009, 21 Outubro (LOGF) ne'ebé koalia kona-ba kriasaun Fundo de Desenvolvimento do Capital Humano (FDCH).

1.2.Baze Legal

FDCH regulamenta liuhosi Dekretu-Lei foun nº13/2020 de 15 de Abril, Regulamento do Fundo de Desenvolvimento do Capital Humano no ne'ebe jestaun fundu nian kabe ba "Conselho de Administração" haktuir linas jerais ba politika governamental artigo 4.º.

Conselho de Administração do FDCH (Konsellu Administrasaun FDCH) hetan apoiu husi Sekretariadu Tékniku ida, ne'ebé dezempeña servisu Espesiálizada atu halo koordenasaun téknika ho orgaun governu ne'ebé iha nesesidade atu dezenvolve programas no projetus ba dezenvolvimentu kapital umanu tuir área kompetensia idak nian.

1.3.Objetivu

Objetivu Jerál ba estabelesimentu fundu nian mak: "atu dezenvolve planu rekursu umanu Nasional hodi apoia ba dezenvolvimentu Nasional iha área oi-oin, mellora di'ak liutan planu, jestaun no implementasaun programa nomós garante lalaok programa ho ninia ezekusaun orsamentu públiku ne'ebé trasparente ho despeza governu nian relasiona ho kustus ba formasaun, bolsa-estudu no programa ba dezenvolvimentu rekursu umanu iha Timor-Leste".

Estabelesimentu Fundo Desenvolvimento do Capital Humano iha ninia objetivu hodi hari'i hanesan mós atu:

- Asegura jestaun finanseiru ba investimentu públiku iha área formasaun no dezenvolvimentu rekursu umanu nasional;
- Garantia seguransa ba negosiasaun, asinatura ba akordu no projeto sira plurianuais;
- Mantain verbas orsamentu ne'ebé prevé ba FDCH iha final tinan fiskal ho objetivu atu garantia kontinuidade programa no projeto formasaun;
- Promóve transparênsia no responsabilidade liuhosi mekanismu no prosidimentu Relatório no prestasaun servisu sobre prosesu ezekusaun programa formasaun no projeto dezenvolvimentu kapital umanu.

1.4.Funsaun Jerál

Sekretariadu FDCH iha funsaun Jerál, atu :
1.Koordena planu dezenvolvimentu rekursu umanu iha Timor-Leste, implementasaun no ezekusaun orsamentu

- FDCH nian;
- Avalia resultadu atividades formasaun no bolsa-estudu;
- Koordena ho parseiru hot-hotu ba kualidade.

1.5.Estrutura

Bazeia ba artigu 5. Dekretu-Lei n.o 13/2020, 15 Abril, Conselho de Administração do FDCH (CA-FDCH) kompostu husi Ministru Ensinu Superiór, Siénsia no Kultura (MESCC), Ministru Finansas, Ministru Justisa, Ministru Petróleu no Minerais no Sekretáriu Estadu Formasaun Profisionál no Empregu (SEFOPE). Ho nune'e, estrutura ba Conselho de Administração (CA-FDCH) iha ninian kompozisaun mak hanesan:

- Ministru Ensinu Superiór, Siénsia no Kultura (MESCC) nudár Prezidente ba CA-FDCH
- Ministru Finansas – Membru Permanente ba CA-FDCH;
- Ministru Justisa– Membru Permanente ba CA-FDCH;
- Ministru Petróleu no Minerais – Membru Permanente ba CA-FDCH no
- SEFOPE – Membru Permanente ba CA-FDCH

2.JESTAUN BA FDCH

2.1. Konsellu Administrasaun FDCH:

Konsellu Administrasaun mak orgaun ne'ebé halo desizaun iha Sekretáriadu FDCH. Papél konsellu nian mak atu fó konsellu ba política, aprovaçao no dirasaun kona-ba dezenvolvimentu rekursu umanu iha Timor-Leste nomós programa FDCH no projetu sira iha Timor-Leste. Konsellu ne'e iha mós responsabilidade Jerál ba jestaun FDCH. Espesifikamente, Konsellu Administrasaun iha mandatu tuir artigu 6, Dekretu Lei mak hanesan:

- Aprova planu asaun anuál Fundu nian
- Aprova proposta orsamentu anual Fundu nian
- Aprova planu aprovisionamento anual Fundu nian
- Aprova relatório atividades anual Fundu nian
- Aprova relatório kontas anual Fundu nian
- Aprova relatório anual aprovisionamento Fundu nian
- Aprova programas, projetus no atividades seluk ne'ebé atu finansia husi Fundu, no mós estimativa ba kustu sira, bazeia ba prioridades ne'ebé estabelese husi Konsellu Ministrus.
- Aprova opsaun sira ba finansionamento kada programa no projetu ne'ebé atu finansia
- Autoriza pagamentus no despezas tomak ne'ebé realiza husi Fundu CA-FDCH bele delga ba Diretor Ezekutivu kompeténsia sira ne'ebé prevista iha alínea g) to'o i) husi artigu 6.o Dekretu-Lei n.o 13/2020, 15 Abril, ne'ebé reflete iha parágrafo anteriór.

2.2. Enkontru Konsellu Administrasaun FDCH:

Regula iha artigu 7. Dekretu-Lei n.o 13/2020, 15 Abril, Funcionamento ba CA-FDCH nian, hanesan tuir mai ne'e:

- CA-FDCH reúne, ordinariamente, tinan ida dala ida, no bainhira konvoka husi Prezidente liuhosi ninia iniciativa rasik ka liuhosi rekerimentu maioria husi ninia membru sira.
- Diretor Ezekutivu konvokadu hodi participa mós iha reuniaun sira CA-FDCH nian, maibé laiha direitu atu vota
- Bele mós konvoka entidade sira seluk hodi participa iha reuniaun sira CA-FDCH nian, maibé laiha direitu ba votu, no sempre considera katak sira nia partisipasaun ne'e relevante
- CA-FDCH bele de'it delibera bainhira direitu votu mai husi metade husi ninia membru sira ne'ebé partisipa
- CA-FDCH delibera liuhosi maioria simples husi ninia membru sira ne'ebé presente, Prezidente maka iha votu kualidade
- Karik falta, auzénsia ka impedimentus rumá husi Prezidente, Prezidente designa ninia substituto entre restante membru sira CA-FDCH nian
- Deliberasaun sira CA-FDCH nian fundamenta no hakerek iha ata, ne'ebé elabora husi Diretor Ezekutivu. Entidade ne'ebé responsável ba operaçao tomak iha Fundo ne'e mak Conselho de Administração

2.3. Estrutura Organika Sekretáriadu Tékniku FDCH nian.

Artigu 12. Dekretu-Lei n.o 13/2020, 15 Abril, prevé estrutura orgániku-funcional Secretariado Técnico nian hanesan tuir mai ne'e:

- Diresaun Nasional ba Planu, Peskiza, Monitorizasaun no Fiskalizasaun;
 - Diresaun Nasional ba Koordenasaun no Ezekusaun Programas no Projetus no Jestaun ba Sistema Informasaun;
 - Diresaun Nasional ba Servisus Pagamentus;
 - Diresaun Nasional ba Administrasaun, Finansas no Rekursus Umanus; no
 - Diresaun Nasional ba Aprovizionamento.
- Diresaun Nasional sira diriji husi Diretor Nasional, tuir rejimi kargus diresaun no xefia administrasaun pública no imediatamente subordina ba Diretor Ezekutivu.

2.4. Papel Sekretáriu Tékniku FDCH nian

Haktuir iha artigu 8. Dekretu-Lei n.o 13/2020, 15 Abril, ba ezersísiu kompeténsia CA-FDCH nian, CA-FDCH hetan apoiu husi Secretariado Técnico do Fundo de Desenvolvimento do Capital Humano, designadu nudár Secretariado Técnico.

Secretariado Técnico nudár servisu apoiu ne'ebé integra iha estrutura orgánica Ministériu Ensinu Superiór, Siénsia no Kultura (MESCC).

Regula iha artigu 9. Dekretu-Lei hanesan, kompeténsia Secretariado Técnico nian maka hanesan tuir mai ne'e:

Presta apoiu tékniku no administrativu ba CA-FDCH Koordena, akompanha no avalia teknikamente programa bolsa estudu hotu-hotu ne'ebé destinadu ba ema hirak ne'ebé

laiha vínculu ba Administrasaun Pública

Artikula ho Komisaun Funsaun Pública (CFP) no ho Institutu Nasional Administrasaun Pública (INAP), finansiamentu no implementasaun ba programas no projetus formasaun funsionárius públkus, no mós akompaña no monitoriza programa no projetu sira

Asesora teknikamente CA-FDCH iha avaliasaun ba relevánsia projetu sira ne'ebé atu dezenvolve, no mós kona-ba nesesidade sira kona-ba ninia implementasaun

Koordena no apresia preliminarmente projetu sira ne'ebé propostu ba Fundu no submete ba apresiasaun CA-FDCH nian

Elabora programa no projetu sira ne'ebé aprobadu husi CA-FDCH

Dezenvolve mekanismu nesesáriu sira ba definisaun projetu sira kona-ba bolsas estudu no formasaun téknika iha rai-laran no iha estranjeiru

Promove elaborasaun ka revizaun ba lejislasaun aplikável iha matéria bolsas estudu nian

Koordena prosedimentu sira ba abertura konkursu, selesaun pur méritu, atribuisaun bolsas, no mós prosedimentu seluk ne'ebé prevista iha lejislasaun sira ne'ebé aplikável iha matéria bolsas estudu.

Promove elaborasaun ka revizaun ba lejislasaun ne'ebé aplikável ba bolseiru sira, ho objetivu atu inkorpora mekanismu sira ba akompañamentu no forma sira ba avaliasaun ba sira nia atividades.

Presta ka fó apoiu ba CA-FDCH iha opsaun sira ba finansiamentu investimentu públku iha formasaun no dezenvolvimentu rekursus umanus nasionais

Dezenvolve prosedimentu sira ne'ebé garante seguransa iha negosiasaun no asinatura akordus, programas no projetus plurianuais

Elabora relatório sira prestasaun kontas kona-ba ezekusaun programas no projetus Fundu nian

Mantém arkivu ida ba atas reuniaun CA-FDCH nian Hala'o tarefa sira seluk ne'ebé determina husi lei, regulamentu ka determinasaun husi superiór.

Estabelese iha artigu 10.o Dekretu-Lei hanesan, Secretariado Técnico diriji husi Diretor Ezekutivu FDCH, nomeadu liu husi rejimi komisaun servisu, tuir Lei, ho durasaun mandatu tinan 4, renovável dala ida deit ho perídu ne'ebé hanesan.

3. PROSESU NO MANDATU

3.1. Prosesu Submsaun Projetu iha FDCH

Iha artigu 8º husi Diploma Ministerial no 09/2011, koalia kona ba prosesu submete dokumentu projetu sira ba FDCH, hanesan tuir mai ne'e:

- Kompetênsia Ministériu sira no orgaun Governu nian sira seluk hodi submete projetu sira ba Sekretáriadu Tékniku hodi bele hetan konsiderasaun husi Konsellu Administrasaun;
- Sekretáriadu Tékniku maka responsavel hodi koordena ba halibur projetu sira ne'ebé propoin husi orgaun Governu nian, hodi bele submete ba hetan apresiasaun

husi Konsellu Administrasaun, nune'e mós kona-ba implementasaun programa foun no projetu sira ne'e aprobadu husi Konsellu Administrasaun.

- Projetus sira ne'ebé submete ba Sekretáriadu minimu loron 10 antes enkontru tuirmai Konsellu Administrasaun nian.

Artigu 9º - Dokumentu sira ne'ebé akompaña projetus:

Projetu sira ne'ebé atu submete ba Sekretáriadu Tékniku ba Dezenvolvimentu Kapital Umanu ka ne'ebé dezenvolve hela, tenki akompaña ho dokumentasaun téknika sira liuliu hanesan informasaun tuirmai ne'e:

- Objetivu estratéjiku ba projetu;
- Parte ne'ebé envolve;
- Benefisiariu diretu;
- Fatin projetu;
- Durasaun;
- Kustu;
- Relevansiya projetu;
- Espesifikasiyaun importante liu ba projetu;
- Nesesidade implementasaun;
- Impaktu ka eféitu husi projetu;
- Adekuasaun ba Programa Governu no kuadru legal atual.

Aprobadu iha aneksu diploma, ne'ebé sai hanesan parte integral ne'e maka pakote formulario sira no sumariu ba deskrisiaun projetu sira, inklui mós iha dokumentu tékniku hodi submete ba Konsellu Administrasaun.

Artigu 10º - Elaborasaun no apresiasaun preliminariu ba projetu:

Kompetensia Sekretáriadu Tékniku ba Dezenvolvimentu Kapital Umanu ba apresiasaun preliminariu kona-ba projetu sira maka submete ona, ne'ebé depende ba ninia kazu:

- Determina hodi haruka fila-fali ba Ministeriu proponente, karik seidauk kumpri rekezitu sira no formalidade sira maka prevista iha diploma ne'e no seidauk haree forma ou dokumentu adekuadu ne'ebé hato'o;
- Hato'o ba Prezidente Konsellu Administrasaun ita nia ajenda.

Kompetensia Sekretáriadu Tékniku ba Dezenvolvimentu Kapital Umanu mós kona-ba dezenvolvimentu sira ne'ebé difinidu iha Konsellu Administrasaun, nomós preparasaun ba proposta projetu sira ne'ebé konsidera relevante.

Sirkulasaun entre membru sira iha Konsellu Administrasaun ba projetu ne'ebé mak atu avalia, akontese loron 3 molok enkontru Konsellu Administrasaun nian.

3.2. Mandatu Diretor Ezekutivu FDCH

Mandatu no papel Diretor Ezekutivu FDCH nian, hakerek iha Artigo 10º iha Diploma Ministerial no 13/2020, 15 de

Abril 2020, kona-ba kompetênsia atu jere no tau matan ST-FDCH iha ninia funzionamentu lor-loron.

Aleinde ida-ne'e, Diretor Ezekutivu Fundu nian hetan mós mandatu no pôder husi Konsellu Administrasaun liuhosi DESPAXU n.º 1 /CA - FDCH/II/16, DELEGASAUN KOMPETENSIA atu bele iha responsavel masimu reprezenta Konsellu atu:

- Dirije no orienta jestaun diária ba FDCH, liuliu despaxu ba arkivu no korrespondénsia ne'ebé tama, no asinatura ba karta ofisial sira mak haruka ba orgaun no servisu sira tutela ba FDCH ka entidade nacionais públiku no privadu;
- Jestaun no administrasaun ba rekursu patrimoniu ne'ebé mak atribui ba FDCH, tuir lei ne'ebé vigóra;
- Jestaun no administrasaun rekursu umanu ne'ebé mak atribui ba FDCH;
- Hala'o prosidementu sira tuir lei aprovisionamentu, liuliu loke no adjudikasaun, nomós asina kada kontratu prestasaun servisu relasiona ho apoiu tékniku husi FDCH, to'o montante masimu ne'ebé permite tuir lei ba Ministru ida;
- Hala'o prosidementu sira tuir lei aprovisionamentu, liuliu loke no adjudikasaun, nomós asina kada kontratu, relasiona ho fornesimentu sasan, prestasaun servisu ka ezekusaun ba obra FDCH nian, to'o montante masimu ne'ebé permite tuir lei ba Ministru ida;
- Autoriza despeza/gastus ba orsamentu FDCH nian, hanesan responsavel masimu ba servisu, bele nomea responsavel balun hodi autoriza asinatura ofisial ba Formulariu Kompromisiu ba Pagamentu (FCP/CPV), Orden ba Sosa (OC/PO), Pedidu no Orden ba Pagamentu (POP/PRT), nomós responsavel ba iha área administrasaun, área finansa, área lojistika, nomós ofisiais sertifikasiadaun no autorizasaun iha Fundu, kuandu nesesariu;
- Aprova pedidu sira adiantamente no presiza hari'i prestasaun serbisu, nune'e mós verifika kada relatório;
- h)Aprova viajen asesor sira nian ou funzionáriu sira iha FDCH;
- Valida Planu Anual, Planu Aprovizionamentu no Planu Ezekusaun Orsamental;
- Valida Relatório progresu orsamentu no Relatório Anual Preliminaru.

3.3.Rekursu Finanseira FDCH nian

Fonte orsamentu FDCH nian mai husi dotasoen estadu ninian nebé hakerek iha livru orsamentu número 6 (Livro no 6) hodi deskreve programas prinsipais ba dezenvolvimentu rekursus umanus nia iha Timor-Leste, liu-liu fahe ba programas ha'at (4), ma'ak hanesan:

3.3.1.Programa Formasaun Profissional

Maioria orsamentu ba programa ne'e, sei finansia ba atividades formasaun profissional iha Centro de Formasaun ne'ebé SEPFOPE (Secretaria do Estadu da Política de Formação Profissional e Emprego) halo konta ka tau-matan ba, inklui mós programa Liñas Ministeriais (LM)

sira seluk ne'ebé konsentra ba formasaun funzionárius ka empregadu sira ne'ebé hasa'e kualifikasiadaun bida'en ka skills iha área enjiñeria no sira seluk tan tuir padraun iha QCTL (Quadramento Qualificação de Timor-Leste) ka iha lian inglés ma' ak NQF (National Qualifications' Framework – NQF) ne'ebé sertifika husi INDMO (Instituto Nacional de Desenvolvimento de Mão de Obra) – SEPFOPE ba nível formasaun profissional no'mós husi ANAAA (Agência Nacional de Avaliação e Acreditação Académica) – Ministério da Educação (MdE) nian, nuudar izemplu: Padraun ba Sertifikadu 1 – IV hetan akreditasaun iha INDMO-SEPFOPE no padraun ba Sertifikadu V-IX (Diploma 1 – Doutoramento) hetan akreditasaun husi ANAAA-MdF.

Programa ne'e iha ninian objetivu atu finansia Liñas Ministeriais (LM) sira nian funzionáriu hodi prepara no hasa'e kompetênsias abilidade timoroan sira nian, liu-liu ba jovens feto no mane bazeia ba ejimensia ba nesesidades industria ka mercadu traballu nian ka abilidades ne'ebé ho natureza ka karater níveis sertifikasiadaun.

3.3.2.Programa Formasaun Téknika

Programa ne'e fó apoiu tomak ba dezenvolvimentu kapasidade funzionáriu Estadu nian ka ajentes iha Estadu tomak ba área oin-oin, haktuir planu no prioridade governu nian ba setór hotu-hotu ho objetivu atu aumenta matenek no dezenvolve nomós mellora di'ak liu tan prestasaun servisu ajentes ka mákina estadu hodi serbii di'ak liu tan iha sira-nia servisu fatin.

Formasaun ba iha futuru sei depende ba rekezitu ka regras no leis Regime de Carreira husi Comissão da Função Pública (CFP) hodi nune'e bele assegura liu tan política estadu nian hodi hare ba kompetênsias no pozisaun funzionáriu idak-idak ida dezenvolvimentu estadu ne'e.

Níveis no área ba formasaun sei adapta tuir regras da função pública, inklui mós prioridade estadu nian ne'ebé sei foti referénsia husi "Estudo Mapeamento Nacional ba Prioridades Recursos Humanos ba iha Setor Públiku no Privadu" ne'ebé halao husi Secretariado do FDCH ina tinan 2016 nian rohan (fim de 2016) ho orientasaun CA-FDCH nian nomós aprova iha Conselho de Ministro (CdM) iha loron 23 de Agosto 2016, hodi responde mós ba objetivu PEDN (Planu Estratégico do Desenvolvimento Nacional) 2011-2030.

3.3.3.Programa Bolsas Estudus-BdE

Programa ne'e ninian foku no objetivu maka atu finansia Timor-oan feto no mane hodi hetan oportunidade atu kontinua ba estudu nível ensinu superior hahu husi nível Diploma 1 to'o nível Doutoramento haktuir Quadramento Qualificação Nacional de Timor-Leste – QQNTL (National Qualifications' Framework – NQF) ba iha Universidades ka Instituto Superior sira tantu iha rai-laran no rai-liur. Áreas estudu sei haktuir prioridades governu no nesesidade

nasaun ninian.

Oportunidade ba Bolsa de Estudo sei aplika ba funzionárius estadu nian nomós públíku timoroan feto no mane hahu husi tinan 17 to'o tinan 50 depende ba níveil eskolar.

Prosesu Bolsa de Estudo sei liuhosi konkursu formál ne'ebé Ministériu ka Instituisaun Estadu RDTL ida mak tenke organiza ho aprovasaun husi CA-FDCH ne'ebé sei determina no aprova proposta mai husi LM ne'ebé mak organiza programa ne'e.

Apoiu financeiru husi FDCH ba programa ne'e, bele liuhosi meius rua (2):

3.3.3.1. Programa Bolsa Estudu Kompleta (Full Scholarship);

Programa ne'e sei hetan apoiou másimu husi FDCH hodi selu ka kobre ba kustu Propinas Eskola, Kustu ba Vida moris nian (Kustu de vida), Seguru/ Tratamentu ba Saúde nian no Transporte ka Bilhete de Viagem ba iha rai-liur (Ba & Fila – dala ida deit) wainhira remata estudu, kustu material didaktiku no Kusto balun tan hanesan peskiza ba finalista nian.

Importante ka obrigasaun atu estabelese akordu memorandum entre Instituisaun iha Estadu RDTL ho instituisaun ensinu superior sira iha rai-laran ka ba iha rai-liur. Partikularmente ba iha rai-liur, instituisaun ne'ebé organiza programa bolsa de estudo tenki koordena mós ho MNEC (Ministério dos Negocios Estrangeiros e Cooperação) atu servisu besik ho Embaixadas RDTL iha nasaun hospedeiru inklui mós ho Consulados RDTL nian.

Atu FDCH bele aprova no ezekuta pagamentu ba programa ne'e, precizamente tenki iha dokumentus hanesan: MoU (Memorandum of Understanding), MoA (Memorandum of Agreement) ka Technical Agreement ba implementasaun programa ne'e entre instituisaun sira.

Parte seluk, tenki iha mós akordu kontratu entre instituisaun nebé organiza ho bolseiru sira hodi koalia kona ba “Deveres ka Obrigasaun, Responsabilidade, Sanksoens” husi parte hotu-hotu atu nune'e bele garante programa ne'e ninian sussesu.

3.3.3.2. Bolsa de Estudo Parcial (BEP) liuhosi Subsidio Individuais (SI);

Aparte husi programa bolsa de estudo iha FDCH nebé liu husi prosesu konkursu formál organizadu husi LM ka FDCH rasik, haktuir matadalán ba forma saun no bolsa de estudo FDCH nian, iha mós verba ka orsamentu balun alokadu atu fo subsidio orsamentu balun ne'ebé sei fornese ba Timor-oan sira ne'ebé estuda hela iha nível ensino superior, tantu iha rai laran ka ba iha instituisaun sira rai liur nian.

Objetivu husi apoio ne'e ma'ak hanesan tulun ida

komplementar (subsidió complementar) ka hanesan ajudo ka apoio financeiro balun hodi fo ba estudantes Timor-oan ida husi nível Diploma-1 to'o fali nível de estudo Doutoramento, nebé iha valor ka notas escolar di'ak durante prekursu akadémiku nian.

Apoio subsidio ne'e sei fo dala ida deit ba estudante ida dala ida wainhira hetan rekomendasau husi Comité Avaliasaun Proposta Subsídios (CAPS) hodi elabora no hato'o pareser ba CA-FDCH .

Kritérius jerais atu avalia ba propostas subsidíus individuais no subsidíus finalistas, ma'ak hanesan tuir mai ne'e:

Proposta subsidíus tenki dirije ba CA-FDCH ka Prezidente CA-FDCH hodi esplika nesesidades estudo no difikuldade financeira ne'ebé estudante ida hasoru. Maibe bele mós dirije diretamente ba Diretor Executivo FDCH wainhira iha delegasaun kompetensia husi CA-FDCH ka Prezidente do CA-FDCH ka Ministru tutelado;

Dokumentus ne'ebé presiza atu anexa mak:

a) Karta Peditu ka rekerimentu dirije ba Prezidente CA-FDCH ka Diretor Executivo FDCH nian wainhira hetan delegasaun;

b) Detalles tabela orsamentu ne'ebé kobre de'it ba (la'os selu ba item tomak): Propinas (dala ida de'it), Materiais Didáktika, Kustu Pratika ka Peskiza Finalista no Teze;

- Karta komprobativu (Surat Pernyataan) sei aktivu iha escola ka hanesan estudante finalista;
- Notas ka valores escola nian ka transcript husi hahu escola to'o final (pelo menos notas semestre ida nian);
- Kopía Kartaun Estudantes (ID Card/ Kartu Mahasiswa);
- Kopía Kartaun Billete Identidade (iha proposta iha rai-laran) ka Kopía Passaporte ba iha estudante iha rai-liur;
- Kopía Konta Bankária ho número Swift Code/ IBAN no assina iha leten.
- Notas ka valores nebé hatama tenki atinji, pelu-menus;
- Valor notas em total 10 ba iha países/ nasaun CPLP;
- GPA ka total media ho 2,75 ba iha nasaun Ingleses;
- IPK ka total media pelu menus 3 ba Universidades Privadus no IPK 2,75 ba Universidades Públicos iha Indonésia.
- Ba estudante ida so bele hetan apoiou subsidiu dala ida de'it. Ho razaun tambo FDCH tenki garante katak orsamentu sei disponível ba Timor-Oan hotu-hotu ne'ebé mós iha direito hanesan.

Maibé se wainhira hetan rekomendasau no aprovasaun direitamente husi CA-FDCH ka Prezidente do CA-FDCH, pedidu ne'e sei prosessa iha Secretariado FDCH ho rekizitus pagamentus ne'ebé iha, inkluiindu halo kontratu ba bolsa parsiál nian, haktuir iha Diploma Ministerial no 09/2011, 13 de Abril, iha Ponto 3º, Artigu 11, nebé ko'alia:

“No caso de pedidos individuais de apoio por cidadãos Timorenses, compete ao Secretariado a coordenação da selecção por mérito e submissão dos mesmos ao Conselho de Administração.”

Programa ne'e, bele mós aplika, wainhira iha parceria entre

estadu RDTL ho Instituisaun ruma nebé fornese Bolsas metade ka Inan-Aman sira ne' be selu rasik sira nian oan, tantu atu kobre Propinas ka Kustu de Vida ka orsamentu ruma nebé hetan konkordansia atu fahe ka partilha recurso entre Instituisaun 2 husi Estadu RDTL ho parceiro ruma interna ka externa (rai-liur).

3.3.4.Tipu Formasaun Seluk (Outros Tipos de Formação)

Programa ne'e abranje ba apoiu Estájiu Profisionál, Peskiza ho Fiskalizasaun ne'ebe ho ninia beneficiariu hahu husi 2011 tóo ohin loron 11,907 husi número ne'e Feto 4,150 no Mane 7,757. Programa ne'e hanesan mós programa sira seluk, apresenta proposta no hetan aprovasaun husi CA-FDCH.

Bazeia ba Livru do Orsamentu no 6, hahu kedes husi tinan fiscal 2011, wainhira fundo ne'e hari'i, tinan-tinan Secretariado do FDCH elabora proposta konaba planu programas tomak nebe mai husi Linhas Ministeriais (LM) acreditadas ba fundo ne'e, no apresenta ba CA-FDCH hodi hetan aprovasaun ba planus hirak ne'e, hafoin encaminha ba Direção Geral das Finanças do Estadu iha Ministério das Finanças hodi halo súmario no ajusta iha Livro no 6.

Hafoin, sumário nebé MdF kompila sei apresenta ba iha Comissão de Revisão do Orçamento Política (CROP) presidida husi Primeiro Ministro da RDTL nudar Presidente do CROP.

Depois hetan tiha aprovasaun husi CROP, proposta orsamentu ne'e sei lori fali ba iha Conselho de Ministros (CdM) hodi deskute final no lori ba iha Parlamento Nacional atu hetan mós aprovasaun, antes atu lori ba iha Presidente da Repúbliga atu promulga.

3.4.Relaçaun Parseria entre Secretariado FDCH, Liñas Ministeriais no Parceiro Sira Seluk.

Programas nebé finansiadu husi FDCH, maioria finansia planus no programas prioridades ba dezenvolvimentu recursos individus iha orgaun estadu tomak iha RDTL, inkuindu LM, Orgaun Autonomas , Centro Formasaun, membrus CCI (Câmara do Comercio e Industria) no Públiku Timor-Oan tomak nebé assessu orsamentu liu husi instituisaun do estadu ida.

Setor privadu ka públiku Timor-Oan seidauk permite atu iha ligasaun direta mai Secretariado FDCH atu iha verba rasik ka assessu rasik ba orsamentu no hakerek iha livru no 6.

Tanba ne'e, relasaun entre FDCH liu husi Secretariado FDCH nian ho orgaun estadu no governu sira ma'ak sei halo parceria atu nune'e bele involve individu ka instuiusaun nebé deit hodi bele hola parte liu husi kontratu de parceria ruma hodi hetan apoiu orsamentu bazeia ba programa no prioridades mai husi LM sira no aprova dahuluk iha CA-FDCH.

"Sidadaun ida-idak ho nia planu ida ba moris, ho matadalan ne'ebe klaru no akonsellamentu adekuada kona-ba oportunidade ba edukasaun, forma-saun no diferente opsaun profision-al"

(Taur Matan Ruak, Discurso do 1º Ministro - Tomada de Posse 22 - 06 -2018)





REPÚBLICA DEMOCRATICA DE TIMOR-LESTE
Ministério do Ensino Superior Ciência e Cultura (MESCC)
Secretariado Técnico
FUNDO DE DESENVOLVIMENTO DO CAPITAL HUMANO - FDCH
Eis Edifício do MF Edifício 5, 1º Andar, Palácio do Governo, Dili, Timor-Leste .



Vizita Ami iha



website ofisial FDCH
www.fdch.gov.tl

Eis Edifício do MF Edifício no.5, 1º Andar, Palácio do Governo,
Dili, Timor-Leste